

外錄

空空

兩浙名賢錄

三十一

兩浙名賢外錄卷之七目次

空空

宋二

道昌

慧光

慧暉

法恭

普交

介然

了一

嗣宗

澤龕

圓智

知和

瑞仙

圓照

宗杲

了演

端裕

景元

元奘

中仁

曇玩

宗振

惟定

志遠

慧遠

思照

思聰附

思梵

明慧

守珣

思淨

士珪

慧開

淨空

法忠

惟月

從雅

道行

可觀

法如

平山

明辯

王闡

介謚

道濟

居慧

智策

法常

淨真

智圓

智鑑

妙機

曇華

行機

師體

寶印

德光

淨全

祖元

了明

德明

守仁

智操

曇賁

必才

宗回

惟尚

道樞

從瑾

彥充

真慈

曇密

妙堪

靈辯

咸傑

智連

有權

善月

善禪師

如琰

崇岳

祖先

普濟

善珍

如珏

大觀

岫禪師

止源

師範

妙義

法薰

道冲

法慈

弘濟

文禮

善繼

水盛

兩浙名賢外錄卷之七目次終

兩浙名賢外錄卷之七

東海徐象梅仲和氏撰

黃葉庵智 舷葦如閱

空空

宋二

道昌

道昌湖州吳氏子。受具遊方。徧參諸宿。後得法雪峰。遂於淨慈月堂說法。度人一時。以為寶筏。上堂。鴈過長空。影沉寒水。鴈無遺踪之意。水無留影之心。若能如是。正

好買草鞋行脚去。所以道動則影現，覺則水生。不動不覺，正在死水裏。薦福老人出頭不得，卽且置育王。今日又作麼生，向道莫行山下路，果然猿叫斷腸聲。

了

了。一明州人嗣法雪峰慧禪師，住臨安徑山上堂。參玄之士觸境遇緣，不能直下透脫者，蓋爲業識深重，情妄膠固，六門未息，一處不通，絕點純清，含生難到。直須入林不動，草入水不動，波始可順。生死流入人間，世諸人要會麼？以拄杖畫地曰：秣向這裏薦取。

慧光

慧光錢塘人，姓夏侯氏。從慧林深禪師悟入，遂得無碍辨才。說法靈隱，隨機逗漏，影略鼓鑄者，盡成法器。僧問飛來山色，示清淨法身。合澗溪聲，演廣長舌相。正當恁麼時，如何是雲門一曲？光曰：芭蕉葉上三更雨。曰：一句全提超佛祖。滿筵赤紫盡知音。光曰：逢人不得錯舉。上堂不用求真，何須息見。倒騎牛首入佛殿，羌笛一聲天地空。不知誰識瞿曇面。

嗣宗

嗣宗徽州人，姓陳氏，幼業經，圓具依妙湛慧禪師，詰問次，釋然契悟，慧以麈尾付之，後謁宏智，蒙印可，其道愈尊，出住普照，善權翠巖，晚居雪竇，上堂，人人有箇鼻孔，惟有善權無鼻孔，爲甚麼無？二十年前被人掣落了也，人人有兩箇眼睛，惟有善權無眼睛，爲甚麼無？被人木楔子換了也，人人有箇髑髏，惟有善權無髑髏，爲甚麼無？借人作屎杓了也，遂召大衆曰：鼻孔又無，眼睛又無，髑髏又無，諸人還識善權麼？若人不識，是諸人埋沒善權，其或未然，更聽一頌：澗底泥牛，金貼面，山頭石女，著真紅繫驢，楸上生芝草，不是雲謁香爐峰。

慧暉

慧暉，會稽人，俗姓張氏，幼依澄照道凝，染削進具，甫二十，叩真歇於長蘆，微有所證，旋里謁宏智，智舉當明中有暗，不以暗相遇，當暗中有明，不以明相覩，問之，語不契，初夜定回，往聖僧前燒香，而宏智適至，暉見之，頓明前話，次日入室，智舉堪嗟，去日顏如玉，却歎回時髮似霜，詰之，暉曰：其入離，其出微，自爾問答無滯，智許爲室中真子，紹興丁巳，開法補陀，徙萬壽及吉祥，雪竇，淳熙

三年，勅補淨慈上堂，釋迦老子窮理盡性，金口敷宣，一代時教，珠回玉轉，被人喚作拭不淨故紙，達磨祖師以一乘法，直指單傳，面壁九年，不立文字，被人喚作壁觀婆羅門，且道作麼生行履，免被傍人指注去，衲帔蒙頭，萬事休，此時山僧都不會，七年秋，退歸雪竇，十年仲冬二十九日，中夜沐浴而逝，窆全身於明覺塔後。

澤龕

澤龕，寧海人，姓葉氏，矢其願力，建梁王寺塔，塔成，或請作記以識歲月，龕曰：我自有之，乃取一鐸，朱書二十字，

使垂之絕頂，曰：此塔記也。乾道中，通守趙師夔侍母陳經行，見塔毀，欲新之，尋得異夢，向寺僧詢其始末，使取鐸書以觀，則曰：二十世十八姓之僧造塔，遇走小月東邑之氏脩之，趙母子駭歎，施緡錢百萬，且繪龕像於塔下祀之。

法恭

法恭，奉化人，姓林氏，從棲真院下髮，受具，徃延慶講下，一夕誦法華，至父母所生眼，悉見三千界，時聞風刺櫻欄，葉聲忽然有省，去依天童，始明大旨，凡當世弘法者，

悉往浴決出住明州瑞岩上堂舉世尊生下指天指地
公案頌曰五天一隻蓬蒿箭攪動支那百萬兵不得雲
門行正令幾乎錯認定盤星

圓智

圓智不知何許人初依僊法師削染因覩蓮燈發明具
變二法憤南宗之鄙天台往謁元公舉蘇子瞻東林偈
而始悟有溪若是聲山是舌無山無水好愁人之句元
爲之印可後住天竺稱法中龍象

普交

普交溫之萬齡人姓畢氏生而穎悟未冠得度往南屏
聽台教因爲檀越脩懺摩或問曰師之所懺罪爲自懺
耶爲他懺耶若自懺罪罪從何來若懺他罪他罪非汝
烏能懺之交不能對遂改服遊方造泐潭足纔踵門潭
卽呵之交擬問潭卽曳杖逐之一日忽呼交至丈室曰
我有古人公案要與你商量交擬進語潭遂喝交豁然
領悟乃大笑潭下禪床執交手曰汝會佛法邪交便喝
復拓開潭大笑於是名聞四馳學者宗仰後歸天童掩
關却掃者八年爲郡僚所強始開法席凡見僧來必叱

曰、柳粟未擔時爲汝說了也。且道說箇甚麼。招手洗鉢、拈扇張弓、趙州柏樹子、靈雲見桃花、且擲放一邊、山僧無恁麼閒唇吻、與你打葛藤、何不休歇去、拈拄杖逐之。宣和六年三月二十日、沐浴陞堂說偈、脫然示寂。偈曰、寶杖敲空觸處春、箇中消息特彌綸。昨宵風動寒巖冷、驚起泥牛畊白雲。壽七十七、臘五十八。

知和

知和、蘇臺張氏子、見時嘗習坐垂堂、堂傾、父母意其必死、和瞑目自若、因使出家、年滿得度、趨謁泐潭、潭見、乃問作甚麼、和擬對、潭便打、復喝曰、你喚甚麼作禪、和驀然領旨、卽曰、禪無後無先、波澄大海、月印青天。又曰、如何是道、和曰、道紅塵浩浩、不用安排、本無欠少、潭然之。次謁衡嶽辯禪師、辯尤器重、元符間、抵雪竇之中峰、栖雲兩庵、逾二十年、嘗有偈曰、竹筭二三升、野水松窓五七片、間雲道人活計、祇如此、留與人間作見聞、有志於道者、多往見之。和初偕天童交禪師問道、盟曰、他日吾二人宜踞孤峰絕頂、目視霄漢、爲世外之人、不可作今時藉名官府、屈節下氣於人者、後交爽盟、至則和竟不

接正言陳公以計誘和出山住二靈三十年間居無長物惟二虎侍其右一日客至忽露爪牙以示武和以偈遣之二虎弭耳而去宣和七年四月十二日跌坐而逝

介然

介然鄞人從明智中立師居南湖然指建十六觀與其徒誓曰念佛三昧往生要法也金人犯明州士庶奔散然獨守觀不去酋騎掠至叱曰汝不畏死耶然曰願力在是誠不忍去酋曰我北歸亦欲效此制作遂強挾以歸後人追思遂以其去日爲忌稱爲定慧尊者塑其像於觀側

瑞仙

瑞仙紹興人年二十去家以試經披削初習毘尼因觀戒性如虛空持者爲迷倒仙謂戒者束身之法也何自縛乎遂探台教又閱諸法不自生亦不從他生不共不無因是故說無生疑曰又不自他不共不無因生畢竟從何而生卽省曰因緣所生空假三觀抑揚性海心佛衆生名異體同十境十乘轉識成智不思議境智照方明非言詮所及弃謁諸方後至投子廣鑑問鄉里甚處

日雨浙東越鑑曰東越事作麼生仙曰秦望峰高鑑湖水潤鑑曰秦望峰與你自己是同是別仙曰西天梵語此土唐言鑑曰此猶是叢林祇對畢竟是同是別仙便喝鑑便打仙曰恩大難酬便禮拜後歸里開法慈氏室中嘗問僧三箇橐駝兩隻脚日行萬里趁不着而今收在玉泉山不許時人亂斟酌諸人向甚麼處與仙上座相見

圓照

圓照不知其所自出依天衣懷而悟時衆爭請轉輪杭守陳襄借主南屏二年爲邦人植福無量孝宗召對亦稱爲福慧知尚云雷峰才資福義定中皆見安養金蓮標本往生是以禪兼淨土者也弟子脩顯省聰崇信並有名

宗杲

宗杲宣州寧國人姓奚氏年十七落髮受具雖年少已知有宗門中事遍閱諸家語錄尤喜雲門睦州語嘗疑五家宗派元初只是一箇達磨甚處有許多門庭遂往參明教紹瑄禪師倒心事之嘗請益雪竇拈古頌古及

古宿因緣。理指示。惟要直下。自見。自說不少。假其言語。杲洞達先德。微旨。理異之。歎曰。杲再來人也。復游郢州。見大陽元首座。洞山微和尚。堅侍者。微在芙蓉首衆。堅爲侍者十年。杲參三人。甚久。盡得曹洞宗旨。一日見其臂香傳授。以表不妄付囑。心非之。曰。禪有傳授。豈佛祖自證自悟之法。遂捨去。至真如喆座下。入慶藏主賢蓮頭之室。又與慶同往黃龍。見晦東林。參照覺俱不合。又謁心印詢禪師。與杲語。大奇之。欲留會下。而杲不樂。珣因指令往寶峰。參準禪師。準卽湛堂也。杲始至。機辯縱橫。準云。汝鼻孔。因甚無半邊。杲曰。寶峰門下。準云。杜撰禪和。又因看金剛經。問杲云。是法平等。無有高下。爲甚雲居山高。寶峰山低。杲曰。是法平等。無有高下。準云。你做不得坐主奴。又一日語杲云。杲上座。我這些子禪。你一理會得耶。杲曰。理會得。準云。教你說也。說得。教你做也。做得。拈古頌古。小參古說總得。只是有一件事。不是你還知麼。杲曰。未審是甚麼事。準云。你只欠因地一下。所以說時有。不說時便無。入方丈時有。出方丈時便無。惺惺時有。睡著時無。如何敵得生死。杲曰。正是某甲疑。

處準病。杲問曰：某甲向後當見誰人？準云：有箇勤巴子。我不識渠，汝可見之。當能辦子事，若了不下，便可脩行。看一大藏經，後身出來，叅禪決，是箇善知識也。準沒杲，謂張天覺丞相求塔銘。天覺門庭高於衲子，少許可見。杲一言而契，卽下榻朝夕與語，名其庵曰妙喜。字之曰曇晦。且言子必見川勤，吾助子往，遂津其行。勤卽圓悟也。時方自蔣山奉詔住東京天寧，未至杲先到寺掛搭。叅堂畢，勤方入院。杲晨夕叅請，勤舉僧問雲門：如何是諸佛出身處？答云：東山水上行。令杲下語。杲叅及一年。凡下四十九轉語，皆不契。一日勤赴一達官宅，陞座舉僧問雲門：如何是諸佛出身處？雲門云：東山水上行。若是天寧卽不然。若有人問：如何是諸佛出身處？只向道：薰風自南來，殿閣生微涼。杲聞舉，豁然省悟。遂以所悟告勤。勤察杲雖得前後際斷，動相不生，然却坐在淨裸處。語杲云：未也。子雖有得矣，而大法未明。一日入室，勤云：也不易。你到這裡田地，但可惜死了，不能得活。不疑言句，是爲大病。不見道：懸崖撒手，自肯承當。絕後再甦。欺君不得，須知有這箇道理。杲言某甲只據如今得。

處已是快活，更不能理會得也。勤不肯，因令杲在擇木寮，作不釐務侍者。每日同士大夫閑話，入室日不下三四。勤因舉有句無句，如藤倚樹，詰杲。杲纔舉口，勤便云：不是不是，如此者半載，未蒙印可，念念不忘於心。一日同諸官客飯，杲把箸在手，都忘下口。勤笑云：這漢叅黃木禪，却倒縮去。杲遂話譬喻曰：和尚這箇道理，恰與狗看熱油，鑊相似，要舐又舐不得，要捨又捨不得。勤云：你喻得極好，只這箇便是金剛圈、栗棘蓬也。又一日問曰：見說和尚當時在五祖，亦曾問此話，不知五祖如何答。乞師垂示。勤默不應。杲曰：和尚當時不可獨自問，須對大眾前問。如今說又何妨。勤遂云：我問有句無句，如藤倚樹時如何。五祖云：描也。描不成，畫也。畫不就，又問：忽遇樹倒，藤枯時如何。五祖云：相隨來也。杲聞舉，當下大悟。乃曰：某甲會也。勤云：只恐你又透這公案未得。杲云：請和尚舉。勤遂連舉前輩一絡索，誦訛語話，徵詰之。杲隨聲酬對了，無滯碍。勤撫掌稱善，又對衆稱賞云：杲非一生兩生爲善知識來，杲自是縱橫踔厲，大肆其說。如建瓴水，如轉圓石於千仞之坂。諸老歛衽，莫敢櫻其鋒。

初杲旣大徹，反於數禪客有疑，乃以問勤。勤云：我這箇禪如大海相似，你將得箇大海來傾取去，始得。若只將鉢盂來盛得些子去便休，是你器量只如此，教我怎奈何？能有幾箇得到你田地？舊時只有箇璟上座，與你一般，却已死了也。未幾，遂舉杲首衆。于時士大夫，往往爭與之游，雅爲右丞呂舜徒所重，奏賜紫衣，號佛口大師。女真難，遂渡江而南。時勤主雲居法席，命杲居第一座。未幾，圓悟還蜀，杲始辭居古雲門。學者雲集，尋開講。臨安徑山法席之盛，冠於一時。百舍重趼，往赴，惟恐其後

至無所容，乃建千僧大閣以居之。凡二千餘衆，初開法陞座，問答未已，復有數僧競出爭問。杲乃約住曰：止。止。假使大地草木，盡抹爲塵，一一塵有一口，一一口具無礙廣長舌相，一一舌相出無量差別音聲，一一音聲發無量差別言辭，一一言辭有無量差別妙義，如上塵數衲僧，各各具如是口，如是舌，如是音聲，如是言辭，如是妙義，同時致百千問難，問問各別，不消徑山長老咳嗽一聲，一時答了。乘時於其中間，作無量無邊廣大佛事。一一佛事，周徧法界，所謂一毛現神變，一切佛同說經。

於無量劫。不得其邊際。便恁麼去。熱鬧門庭。卽得若以。正眼觀之。正是業識茫茫。無本可據。祖師門下。一點也用不着。况復鉤章棘句。展露言鋒。非惟埋沒從上宗乘。亦乃笑破衲僧鼻孔。所以道毫釐繫念。三塗業因。瞥爾情生。萬劫羈鎖。聖凡名號。盡是虛聲。殊相劣形。皆爲幻色。汝欲求之。得無累乎。及其厭之。又成大患。看它先德。恁麼告報。如國家兵器。不得已用之。本分事上。亦無這箇消息。山僧今日。如斯舉唱。大似無夢說夢。好肉剜瘡。點檢將來。合喫拄杖。只今莫有下得毒手者麼。若有堪

報不報之恩。共助無爲之化。如無倒行。此令去也。暮拈拄杖曰。橫按鎮鄒全。正令太平寰宇。斬痴頑。卓一卓。喝一喝。示衆曰。顛倒想。生生死死。續顛倒想。滅生生死。絕生生死。絕處涅槃空。涅槃空處。眼中屑。涅槃旣空。喚什麼作眼中屑。白雲乍可來青嶂。明月難教下碧天。杲室中機緣。渦旋辨肆。不可把翫。自非上上根器。不可湊泊。果住徑山名重。一時如侍郎張子韶。狀元汪聖錫。少卿馮濟川。俱入室問道。自餘皆一時名士大夫。杲隨機開悟。無所回互。而當時秉釣軸者。以其議已惡之。遂遭拈拾。毀衣

屏去衡州。凡十年。又徙梅州。梅州瘴癘寂寞之地。而衲子裹粮從之。雖死不悔。又八年。高宗特恩放還。明年復僧衣。四方虛席以邀。率不就。尋以朝旨住育王。復移徑山。杲之再住徑山也。道俗欣慕。如見其所親。雖老接引。後學不少倦。以隆興元年八月十日。於徑山明月堂示寂。孝宗聞之。歎惜不已。詔以明月堂爲妙喜庵。賜謚普光。世壽七十五。僧臘五十八。

了演

了演。越州人。少依東山廣化。聽秀禪師夜叅。卽有省發。後遍謁諸宗。語俱不契。乃趨衡陽。投大慧禪師宗杲。一見許爲法器。杲時時語其徒曰。若輩如鍼刺窓。微見光影。耳演乃一踏鴻門。兩扇開者也。自臨安崇先。移住象田。繼遷靈隱。法席之盛。一時無兩。學徒雲奏。一經指點。者積疑宿滯。無不釋然。當時稱得法大慧。而能大振其家風者。以演公爲第一。

端裕

端裕。山陰人。姓錢氏。自圓悟得旨。遍住大刹。隨以機語活人。晚詔住徑山。賜號佛智大師。又移育王上堂。盡大

地是沙門眼。盡大地是自己光。爲什麼東弗于逮打鼓。西瞿耶尼不聞南瞻部洲點燈。北鬱單越黑直饒向箇裡道得十全。猶是光影活計。以拂子一槭。日百雜碎。作麼生是出身一路。若果不見。隨路摘楊花。

景元

景元姓張氏。溫州樂清人。始出家。徧遊叢林。至蔣山謁圓悟禪師。久在會中。一日因二僧閱死心錄。有云。旣迷時。須待箇悟。旣悟了。深識悟中迷。迷悟雙忘。却從迷悟處。建立一切法。元心非之。拂袖而起。行數步。忽然冥契。

走告圓悟。圓悟印可。後辭圓悟。圓悟問。向去有人問你作麼生。元撫傍僧背曰。和尚問你。何不祇對圓悟大笑。嘗語人云。我有些子禪。被元兄一布袋盛將去也。叢林因號爲元布袋。出世於處州南明上堂。釋迦不會道。達磨不會禪。列祖無機關。衲僧沒巴鼻。是則是。作麼生承當。若向這裏承當得去。佛法世法。打成一片。十二時中。不移易一絲毫。其或未然。莫守寒巖異草。青坐著白雲。宗不妙。僧問。如何是臨濟宗。元曰。殺人不取眼。如何是雲門宗。元曰。頂門三眼。曜乾坤。如何是瀉仰宗。元曰。推

不向前約不向後如何法眼宗元曰箭鋒相敵不相饒如何是曹洞宗元曰手執夜明符幾箇知天曉元居南明幾二年厭於將迎一日舉感鐵面頌云院是大宋國裏院州是大宋國裏州州中有院不容住何妨一鉢五湖遊元舉了曰是則是去住自由特煞露風骨因作頌曰休休休夕陽西去水東流惟有仰山雲勢遠搏風千萬過南州後住台州護國寺示寂於本山

元奘

元奘永嘉人爲嘉福院僧飲酒食肉日與兒童嬉戲市人呼爲奘顛每見人卽覓酒醉輒瞋目張拳爲金剛之狀見者絕倒夜雖劇醉至四鼓必起誦法華經旦復入酒肆醉卽溺衣上未嘗幹濯而了無穢氣忽一夕徧辭所知明日跌坐而化

中仁

中仁洛陽人出家東京奉先院進具後往來三藏譯經諦窮經論特於宗門未信時圓悟居天寧陵晨謁之悟方爲衆入室仁見敬服奮然造前悟曰依經解義三世佛寃離經一字卽同魔說速道速道仁擬對悟擘口擊

之因墜一齒卽大悟留天寧由是師資契合請問無間後開法大覺遷中天竺次徙靈峰上堂九十春光已過半養花天氣正融和海棠枝上鶯聲好道與時流見得麼然雖如是且透聲透色一句作麼生道金勒馬嘶芳草地玉樓人醉杏花天孝宗皇帝詔入賜座說法帝舉不與萬法爲侶因緣俾仁拈題仁拈罷頌曰稱鎚擲出油閑言長語休腰纏十萬貫騎雀上揚州未幾陞座說法而逝

慧云玩

曇玩温州人俗姓黃氏登年受具徧參藜席回抵鍾山適朝旨改僧爲道玩與同志數人入頭陀岩食松柏自處久之圓悟被旨居蔣山親至岩所令去鬚髮及悟補京師天寧與玩同往命掌香水海未幾舉杓擊鼓頓明大法凡有參扣皆對曰莫理會故叢林以莫理會稱之後住平江西山之明因上堂說偈曰我無長處應虛出謝汝殷勤特地來明因無法堪分付謬把山門爲汝開

宗振

宗振丹丘人依圓悟於雲居一日仰瞻鍾閣倏然契證

有詰之者，振酬以三偈。其末曰：我有一机直下示伊青。天霹靂電捲星馳，德山臨濟棒喝徒施。不傳之妙於汝何虧，悟見大悅。竟以節操自高，道望愈重。嘗書壁曰：住在千峰最上層，年將耳順任騰騰。免教名字掛人齒，甘作今朝百拙僧。

惟定

惟定，山陰人。紹興中住景德寺。每陞座講經，輒有野猿獻果，講畢乃去，以為常。一日謂其徒曰：庭前桂樹花開，我將逝矣。其徒出視，桂花忽開五色，急返入戶，定端坐瞑目去矣。龕留七日，顏面如生。

志遠

志遠，姓呂氏，餘姚人。年十七出家，等慈寺。遍遊諸方，精解天台宗。教高宗嘗詔講於內殿，親為臨聽，賜師號紫衣。遂為東南講席之冠。李光陳、索張、麟趙，不搖諸公，皆愛重之。年七十卒，龕留五日，顏色如生。茶毘於烈焰中，身不歆，側舌根不壞。

慧遠

慧遠，眉山彭氏子。年十三出家，落髮受具。初叅雲巖徽。

禪師雖蒙印可，心未釋然。次參圓悟，時圓悟自雲居歸蜀，住於昭覺。遠每話請益，辭旨峭勁。圓悟深器之。一日普說舉龐居士問馬祖，不與萬法爲侶者，是什麼人。馬祖云：待汝一口吸盡西江水，卽向汝道。遠聞舉，豁然大悟。仆於衆中，衆以爲中風，共掖起之。遠乃曰：吾夢覺矣。至夜，小參。遠出問曰：淨。裸。裸。空。無。一。物。赤。骨。律。貧。無。一。錢。戶。破。家。殘。乞。師。賑。濟。悟云：七珍八寶，一時拏。遠曰：爭柰賊不入。謹家之門。悟云：机不離位，墮在毒海。遠隨聲便喝。悟以拄杖擊禪床云：喫得棒也未。遠又喝。悟連喝兩喝。遠禮拜。悟大喜，以偈贈遠：有舊鐵舌，轉關捩之語。衆目爲之鐵舌。遠自此机鋒迅發，無所抵牾。圓悟示寂後，始下峽，抵淮南，住龍蟠。八年遷琅琊，又移婺之普濟。循之定業，遠自發明心要，卽得遊戲如風，大自在。三昧舉揚，縱奪高於天下。時妙喜杲謫梅州，有傳遠偈頌，提喝以往者。杲駭云：老師暮年，有子如是耶。因寓書通誠，并寄贈圓悟所付法衣。逮其得旨放歸，遠以頌迎之。相遇甚懽，杲極口稱譽，又題其真云：這川荔苴，無真無假。一條白棒佛來也。打更有一般長處，解向鉢盂裏走馬。

自此人益歸重，後過南嶽，住於南臺。時龍王璉方廣行，皆月庵高弟，道著湖湘間。私相語云：此間壁立萬仞，遠何所措足乎？因請陞座，設三十餘問，皆佛祖殺訛、險節、關捩、學者罕到之處。遠隨機開答，辭旨深奧，議論超詣，始大歎伏。璉卽率其屬環拜云：此膝不屈於人久矣，未幾過天台，歷住護國、清鴻、福三寺，受請主虎丘。尋奉詔住高亭山崇先寺，未幾退居迎照庵，再奉詔住靈隱。開堂中，使降香祝聖，罷拈香曰：此一炷香，天地莫能覆藏，佛眼莫能窺測，舉起滅胡種族，拈來鈍置殺人。累我三十年荒草裡橫身，至今一平生作箇不啣啣漢，就中有些子警訛，對衆也須說破。山僧二十年前被業風吹到岷峨山下，荆棘林中，撞著箇無孔鉄鎚，被他一擊，半醉半醒，謂啞却口，一生開不得。二十年後，又被業風吹去濯錦江頭，葛藤堆裏，逢著箇焦尾白額，是時親遭一口，直得喪膽忘魂，開得口，至今受用不盡。且道此香爲二十年前見底知識，卽是爲二十年後見底知識，卽是一窟不棲雙木，一客不煩兩家，不見道先行不到，未後太過而今，賊身已露，賊物現前，奉爲前成，都府昭覺先。

圓悟禪師大和尚，不重他對御談空，橫行海上，只重他胸中無物，肚裏無禪。藝向爐中，用酬法乳。於時孝宗皇帝，留意空宗，屢詔入內，賜號佛海禪師。始妙喜讚遠，真有解向鉢盂走馬之語。至遠對御歸，以頌記之曰：鉢盂走馬向天庭，慣踏天街馬不驚。回首飛來峰上望，白雲包盡帝都春。遠說法格外作用，不守規轍，脫略窠臼。至於室中机緣，尤為峻險，不可湊泊。嘗問僧：「大藏教是惡口，如何是你本身盧舍那？」僧無語。自代曰：「阿耨達池深四十丈，濶四十丈。又僧入室，遠起身問：「更不著布視相見。」僧叉手近前云：「今日親見瞻堂。」遠呵呵大笑。僧云：「伎倆已盡。」遠撫掌一下。淳熙二年閏九月，上堂說偈曰：「淳熙二年閏季秋，九月旦，鬧處莫出頭。冷地著眼看，明暗不相于彼此。分一半，一種作貴人。教誰賣柴炭，而你道不可毀，不可賚。體若虛空沒岬岬，相呼相喚歸去來。上元定是正月半，於時道俗俱疑遠。當以正月十五遷化，遂達上聽。至期無疾陞座說法，如常儀。玄素俱集，上亦密遣中使伺遠起居，皆見遠往來如常時。迭歸馳奏齋時，侍者與客齋歸方丈，但見門扃閉甚密。遠素蓄一

黑猿頗馴能知人意因衣以布襪命之日猿行者至是求遠不見因窺於牕隙中但見猿手持一卷書人立於床前遂啟後牖至榻前而遠已坐脫矣取猿手中書觀之乃辭世頌曰拘折秤鎚掀翻露布突出机先鴉飛不度留十日顏色不變壽七十四坐五十九夏

思照

思照錢塘人青年捨俗志弘正法徧歷教庠研究宗乘申且熏煉淨業願比法藏至刺血書經一字一禮者三十年時同邑有思聰者住靈隱寺晝夜禮誦蓮經又不輟念佛已而曰更兩日吾西行矣胸前生蓮花是其相也果如其言說者曰二思乘願力得生安養始知西方淨土之不隔當念也

思梵

思梵臨平人姓湛氏離俗後精研禪趣住覺悟十年宗風大振後退處西山歸雲庵閉門著書嘗以經疏語錄禪教之旨名曰會宗乾道四年示寂賜號圓通大師

明慧

明慧婺州人落髮於遂昌之興覺院初學天台教績更

衲子衣。參四明天童智禪師。頓悟性宗。爲首座。請主報願法席。未幾。往南明建大緣事。以禪衲奔奏。遂挈囊鉢之永嘉江心寺。掛錫西堂。郡守請領院事。力辭。復還南明。宴息。乾道丙戌冬。陞堂說法。竟白衆而逝。

守珣

守珣。安吉州人。姓施氏。初參廣鑑瑛禪師。不契。遂造太平。隨衆咨請。邈無所入。乃封其衾曰。此生若不徹。去誓不展。此於是晝坐宵立。如喪考妣。逾七七。日。忽佛鑑上堂曰。森羅及萬象。一法之所印。珣聞頓悟。往見鑑。鑑曰。可惜一顆明珠。被這風顛漢拾得。乃詰之曰。靈雲道自。從一見桃花後。直至如今。更不疑。如何是他不疑處。珣曰。莫道靈雲不疑。只今覓箇疑處了。不可得。鑑曰。玄沙道諦當甚諦當。敢保老兄未徹。在那裏。是他未徹處。珣曰。深知和尚老婆心切。鑑然之。珣拜起。呈偈曰。終日看天不舉頭。桃花爛熳始擡眸。饒君更有遮天網。透得牢關。卽便休。鑑囑令護持。是夕厲聲謂衆曰。這回珣上座。穩睡去也。鑑移蔣山。命分座說法。出住廬陵之禾山。退藏故里。道俗迎居天聖。後徙何山上堂。輾轉鑽住山前。

佛祖出頭未輕與縱使醍醐滿世間你無寶器如何取
呵呵呵神山打羅道吾作舞甜瓜徹蒂甜苦瓠連根苦
僧問如何是寶中寶珣曰客路如天遠侯門似海深曰
如何是賓中主珣曰長因送客處憶得別家時曰如何
是主中賓珣曰相逢不必問前程曰如何是主中主珣
曰一朝權祖令誰是出頭人曰賓主已蒙師指示向上
宗乘事若何珣曰向上問將來曰如何是向上事珣曰
大海若知足百川應倒流僧禮拜珣曰珣上座三十年
學得底一日忽語衆曰先師祇年五十九吾年五十六
矣來日無多紹興甲寅解制退天寧之席謂雙槐居士
鄭績曰十月八日是佛鑑忌則吾時至矣乞還潭南十
月四日鄭績遣弟僧道如訊之珣曰汝來正其時也先
一日不著便後一日蹉過了吾雖與佛鑑同條生終不
與同條死明早可爲我尋一隻小船子來如曰要長者
要高者珣曰高五尺許越三日鷄鳴端坐如平時侍者
請遺偈珣曰不曾作得言訖而逝闍維舌根不壞

思淨

思淨錢塘人姓喻氏少捨俗以弘法爲志又善丹青發

願畫彌陀像一藏流傳世間以作佛事當時遂呼爲喻
彌陀後居接待寺飯僧及三百萬金人犯北闕杖錫詣
賊願代一城之命寇鋒爲之少戢鐫多寶山始皇攬舟
石爲彌勒佛首望之巍然張九成銘其墓

士珪

士珪成都人姓史氏初依大慈宗雅心醉楞嚴逾五秋
南遊謁諸尊宿始登龍門卽以平時所得白佛眼佛眼
曰汝解心已極但欠著力開眼耳遂俾職堂司一日侍
立次問云絕對待時如何眼曰如汝僧堂中白椎相似
珪罔措眼至晚抵堂司珪理前語眼曰閑言語珪於言
下大悟政和末出世和之天寧屢遷名刹紹興間奉詔
開山雁蕩能仁時真歇居江心聞珪至恐緣法未熟特
過江迎歸方丈大展九拜以誘溫人由是翕然歸敬未
視篆其徒懼行規法深夜放火鞠爲瓦礫之墟珪乃就
樹縛屋陞坐示衆云愛間不打鼓山鼓投老來看雁蕩
山傑閣危樓渾不見溪邊茅屋兩三間還有共相出手
者麼喝一喝下座聽法檀施併力營建未幾復成寶坊
次補江心上堂示衆曰見見之時見見作是見見猶離見

見不能及。落花有意隨流水，流水無情戀落花。諸可還者，自然非汝，不汝還者，非汝而誰。長恨春歸無覓處，不知轉入此中來。喝一喝曰：三十年後莫道能仁教壞人家兒女。僧問：如何是祖師西來意？珪曰：東家點燈，西家暗坐。曰：未審意旨如何？珪曰：馬便搭鞍，驢便推磨。僧禮拜。珪曰：靈利衲僧，祇消一箇。遂曰：馬搭鞍，驢推磨，靈利衲僧，祇消一箇。縱使東家明點燈，未必西家暗中坐。西來意旨問如何？多口阿師自招禍。問有句無句，如藤倚樹時如何？珪曰：作賊人心虛。曰：國師三喚侍者，又作麼生？珪曰：打鼓弄獼猴，鼓破獼猴走。丙寅七月十八日，沐浴聲鍾，集衆說法訖，泊然而逝。荼毘日，送者均獲舍利，奉靈骨塔于鼓山。

慧開

慧開，錢塘人，不知其氏族。生而眇小，初與石霜同參，作補衲看經二偈。一時義學稱其見性。自黃龍山挾一龍來止，無門洞開，每說法，龍輒蜿蜒松上，垂首諦聽。禱雨輒應。孟琪、吳潛、鄭清之輩，疏聞於朝，召對問，所以致雨者。荅曰：貧僧無他異術，惟是寂然不動，感而遂通耳上。

悅賜金紋伽梨未幾無疾坐脫後身爲中峰明本云

淨空

淨空閩人。其姓氏持戒精嚴。行多異跡。嘗創精藍於遂昌之大樓巖。翼日徙居龍安洞。有第四泓號龍井。空振錫其側。有黃龍出受戒。至其巔。虎狼蹲踞。空叱之曰。亟去。吾欲居此。遂結茆於中存息。後歸弋陽白花巖寺。未幾入寂。寺衆塑其身。供大殿上。歷百餘年。忽一夜假夢於其徒。欲還本寺。乃迎以歸。今像猶存。遠近遇水旱。輒昇像出禱。願則輕如一羽。不願則數百人。昇之堅不能動。鄉人敬信。悉繪像以祀之。

法忠

法忠四明人。姓姚氏。十九試經得度。習台教。悟一心三觀之旨。未能泯跡。徧叅名宿。直至龍門。觀水磨旋轉。發明心要。乃述偈曰。轉大法輪。目前包裹。更問如何。水推石磨。呈佛眼。眼曰。其中事作麼生。忠曰。澗下水長流。眼曰。我有末後一句。待分付汝。忠卽掩耳而去。後至廬山。於同安枯樹中。絕食清坐。宣和間。湘潭大旱。禱而不應。忠躍入龍淵。呼曰。業畜當雨一尺。雨隨至。居南嶽。每跨

虎出遊道俗望塵而拜後住黃龍牧庵上堂示眾我有
 一句子不借諸聖口不動自己舌非聲氣呼吸非情識
 分別假使淨名杜口於毘耶釋迦掩室於摩竭大似掩
 耳偷鈴未免天機漏泄直饒德山入門便棒臨濟入門
 便喝若向牧庵門下檢點將來祇得一撮千種言萬種
 說祇要教君自家歇一任大地虛空七凸八凹問大衆
 臨筵請師舉唱忠堅起拂子僧曰乞師再垂方便忠擊
 禪牀一下後示寂塔於香原洞

惟月

惟月諸暨化城寺僧也明律學日惟念佛百八不去手
 一日有異僧來迎後二日微疾急呼同住道寧曰見阿
 彌陀佛紫磨金色身高八尺住在空中引手相接言訖
 而逝

從雅

從雅錢塘人遺其姓氏精於天台止觀不輕授人曰言
 清行濁聖賢所呵居平禮誦口不絕聲體不離地楊傑
 貽所撰安樂國贊雅益以九品圖刻於淨住院卒之日
 感異香天樂來迎始知其果生安養也

道行

道行處州人俗姓葉氏初依泗州普照英禪師得度去
叅佛眼一日聞舉玄沙築著脚指話遂大悟後住衢州
雪堂再徙國清上堂黃梅雨多秋寒恁麼會太無端時
節因緣佛性義大都須是髑髏乾示衆舉璣和尚問僧
禪以何爲義衆下語皆不契理僧請益璣璣代云以謗
爲義行曰三世諸佛是謗西天二十八祖是謗唐土六
祖是謗天下老和尚是謗諸人是謗山僧是謗於中還
有不謗者也無談玄說妙河沙數爭似雙峰謗得親未
幾示疾索筆書偈曰識則識自本心見則見自本性識
得本心本性正是宗門大病註曰爛泥中有刺莫道不
疑好黎明沐浴更衣結跏坐脫闍維五色設利烟所至
處纍纍然齒舌不壞塔於寺之西

可觀

可觀秀州華亭人姓戚氏年十三剃落宗天台教禪寂
觀空雙眉不舉所居蕭然無長物後歸當湖住德藏寺
鑿山月池構松風臺以自怡因號曰竹庵淳熙九年無
疾端坐而逝世壽九十有九塔在德藏西北隅爲築城

所夷。知縣謝良弼夢一紫衣老僧曰。我竹庵和尚也。以塔累公。旦日尋訪。果得塔。因爲繕治。復立石表之。又梓其所著楞嚴補註及山家義苑等書以行。

法如

法如台州人。姓胡氏。依護國端禪師。祝髮登具。徧參浙右諸宗匠。晚至龍門。以平日所證白佛眼。眼曰。此皆學解。非究竟事。欲了生死。當求妙悟。如駭然諦信。一日命主香積。以道業未辦。因辭。眼勉曰。姑就職。其中大有人爲汝說法。未幾。晨興開厨門。望見聖僧。契所未證。卽白佛眼。眼曰。這裏還見聖僧麼。如詣前。問訊。叉手而立。眼曰。向汝道。大有人爲汝說法。後住南康雲居上堂云。一法若有。毘盧墮在凡夫。萬法若無。普賢失其境界。向這裏有無。俱遣得失。兩忘直得十方諸佛不見。諸人且道。十二時中。向甚麼處安身立命。披簑側立千峰外。引水澆蔬五老前。

平山

平山處州王氏子。生自梵僧中。來得法及庵。信居於淨室。食不厭粗糲。寒暑衣大布而已。四住名刹。獨新淨慈。

空空
卷之七
據。猊。揮。麈。學。徒。萬。指。高。麗。遣。幣。來。迎。僅。得。四。會。錄。而。去。

明辯

明辯。安。吉。人。姓。俞。氏。幼。事。報。本。蘊。禪。師。圓。顱。受。具。後。謁。諸。名。宿。至。西。京。少。林。聞。僧。舉。佛。眼。以。古。詩。發。明。扇。賓。王。斬。師。子。尊。者。話。曰。揚。子。江。頭。楊。柳。春。楊。花。愁。殺。渡。江。人。一。聲。羌。笛。離。亭。晚。君。向。瀟。湘。我。向。秦。辯。默。有。所。契。卽。趨。龍。門。求。入。室。佛。眼。問。從。上。祖。師。方。冊。因。緣。許。你。會。得。忽。舉。拳。曰。這。箇。因。何。喚。作。拳。辯。擬。對。眼。築。其。口。曰。不。得。作。道。理。於。是。頓。去。知。見。後。歸。鄉。里。住。道。場。正。堂。上。堂。舉。僧。問。投。子。大。死。底。人。却。活。時。如。何。投。子。曰。不。許。夜。行。投。明。須。到。辯。曰。我。疑。千。年。蒼。玉。精。化。爲。一。片。秋。水。骨。海。神。欲。護。護。不。得。一。旦。鼉。頭。忽。擎。出。辯。家。風。嚴。冷。初。機。多。憚。之。因。贊。達。磨。曰。昇。元。閣。前。懔。懔。洛。陽。峰。畔。乖。張。皮。髓。傳。成。話。禰。隻。履。無。處。埋。藏。不。是。一。番。寒。徹。骨。爭。得。梅。花。撲。鼻。香。雲。堂。行。一。見。大。稱。賞。曰。先。師。猶。有。此。人。在。只。消。此。贊。可。以。坐。斷。天。下。人。舌。頭。由。是。衲。子。奔。湊。臨。終。登。座。拈。拄。杖。左。邊。卓。一。下。曰。三。十。二。相。無。此。相。於。右。邊。卓。一。下。曰。八。十。種。好。無。此。好。僧。繇。一。筆。畫。成。誌。公。露。出。草。稿。又。卓。

一下顧大衆曰莫懊惱直下承當休更討下座歸方丈
儼然趺坐而逝火後收靈骨設利藏所建之塔曰仙人
山
王闡慈谿人家世業儒舉進士不得志遂以居士服徧
王闡慈谿人家世業儒舉進士不得志遂以居士服徧
參講席凡禪林宗旨天台教門無不綜覽晚年述淨土
自信錄以明三身四土之旨因自號曰無功叟紹興十
六年四月丁卯之夕忽聞異香滿室乃沐浴更衣面南
趺坐而化焚其軀得舍利如菽者一百八粒

介謹

介謹温州張氏子得法天寧卓禪師住慶元育王謝知
事上堂尺頭有寸鑑者猶稀秤尾無星且莫錯認若欲
定古今輕重較佛祖短長但請於中著一隻眼果能一
尺還他十寸八兩元是半斤自然內外和平國家無事
山僧今日已是兩手分付汝等諸人還肯信受奉行也
無尺量刀剪遍世間誌公不是閑和尚謹性剛毅泣衆
有古法時以謹鉄面稱之

道濟

道濟天台人。母夢羅漢入室而生。後出家淨慈。風狂嗜酒肉。與市井浮沉。人稱濟顛。爲人誦經下火。累有果證。或贊之曰。非俗非僧。非凡非仙。湧出舍利八萬四千。蓋紀實云。

居慧

居慧安吉人。姓吳氏。嗣法天寧。住本州道場山上堂。舉臨濟示衆曰。一人在高高峰頂。無出身之路。一人在十字街頭。亦無向背。且道那箇在前。那箇在後。慧曰。更有一人不在高高峰頂。亦不在十字街頭。臨濟老漢因甚不知。便下座。

智策

智策天台人。姓陳氏。幼依護國僧楚光落髮。十九造國清謁寂室。光洒然有省。次謁大圓於明之萬壽。圓問曰。甚處來。策曰。天台來。曰。見智者大師麼。策曰。卽今亦不。少曰。因甚在汝脚跟下。策曰。當面蹉過。圓曰。上人不耘而秀。不扶而直。一日辭去。圓送之門。拊策背曰。寶所在近。此城非實。策領之。往豫章謁典牛。道由雲居。風雪塞路。坐閱四十二日。午初版聲鏗然。豁爾大悟。及造門典

牛獨指策曰甚處見神見鬼來策曰雲居聞版聲來牛曰是甚麼策曰打破虛空全無柄靶牛曰向上事未策曰東家豎生西家厮罵牛曰斬然超出佛祖也日起家一麟足矣後住徑山之塗毒上堂舉教中道若以色見我以音聲求我是人行邪道不能見如來雖然恁麼正是捕得老鼠打破油甕懷禪師道你眼在甚麼處雖則識破釋迦老子爭奈拈錘舐指若是塗毒卽不然色見聲求也不妨百華影裡繡鴛鴦自從識得金針後一任風吹滿袖香將示寂陞座別眾囑門人以文祭之策危坐傾聽至尚饗爲之一笑越兩日沐浴更衣集眾說偈曰四大旣分飛烟雲任意歸秋天霜夜月萬里轉光輝俄頃泊然而逝塔全身於東岡之麓

法常

法常開封人丞相薛居正之裔初依長沙華嚴元軾下髮徧遊叢席於首楞嚴經深入義海自湖湘至萬年謁雪巢機契命掌牋翰後首衆嘉禾報恩室中唯一矮榻餘無長物庚子九月中語寺僧曰一月後不復留此十月二十一日往方丈謁飯將曉書漁父詞於室門就榻

收足而逝，詞曰：此事楞嚴嘗露布，梅花雪月交光處，一
 笑寥寥空萬古，風旣語迥然，銀漢橫天宇，蝶夢南華方
 栩栩，斑斑誰跨豐于虎，而今忘却來時路，江山暮天涯，
 目送鴻飛去。

淨真

淨真，嘉興人，以其氏族，嘉熙三年，錢塘江塘坍塌，民將
 魚鼈淨真以偈呈安撫趙端明曰：海沸江河水，接連民
 居衝蕩益憂煎，投身直入龍宮去，要止驚濤勢拍天，遂
 投於海，三日而返，謂衆曰：我在龍宮說法，龍神聽受，此
 塘不復崩矣，語訖復入於海，安撫與民感德，具述其事，
 聞於朝，勅賜護國真法師，立祠於杭，名曰會靈。

智圓

智圓者，天童交禪師法嗣也，住慶元蓬萊，三十年，足不
 踰戶，道俗尊仰之，嘗有偈曰：新縫布被烘來暖，一覺安
 眠到五更，聞得上方鐘鼓動，又添一日在浮生。

智鑑

智鑑，滁州人，姓吳氏，見時母與洗手瘍，因曰：是甚麼對
 曰：我手似佛手，長失怙恃，依真歇於長蘆，大休首衆，卽

器之後。遯象山。百怪不能惑。深夜開悟。求證於延壽。然復見大休。後住明州雪竇。上堂。世尊有密語。迦葉不覆藏。一夜落花雨。滿城流水香。

妙機

妙機仙居人。姓陳氏。母初脈。夢有神僧告曰。當生賢子。至生有奇相。落髮事雙林昌。後歸林下。通判章憑。因行縣謁之。問如何。是妙曰。點鉄成金。如何。是机曰。百發百中。章尊事之時。簡堂行機操行尤峻。與之齊名。時號大机。小机云。

曇華

曇華蘄州人。姓江氏。生而奇傑。年十七。於東禪去髮。首依水南遂禪師。染指法味。因徧歷江湖。與諸老激揚。無不契者。至雲居禮圓悟禪師。一見痛與提策。及入蜀。指見彰教。教移虎丘。華侍行。未半載。頓明大事。去謁此庵分座。連雲開法。妙嚴後遷諸巨刹。住歸宗日。大慧在梅。惕有僧傳華。垂示語句。慧見之。極口稱歎。後以偈寄曰。坐斷金輪第一峰。千妖百怪盡潛蹤。年來又得真消息。報道揚岐脉正通。其歸重如此。後住明州天童。上堂云。

良工未出，玉石不分，巧冶無人，金沙混雜。縱使無師自悟，向天童門下，正好朝打三千，暮打八百。驀拈拄杖云：喚作拄杖，玉石不分；不喚作拄杖，金沙混雜。其間一箇半箇，善別端由。管取平步丹霄，苟或未然。卓拄杖云：急著眼看。虎丘忌日，拈香云：平生沒興，撞著這無意智老和尚，做盡伎倆，湊泊不得。從此卸却干戈，隨分著衣喫飯。二十年來，坐曲录牀，懸羊頭賣狗肉，知它有甚憑據。雖然，一年一度燒香日，千古令人恨轉深。華於室中，最能鍛鍊耆艾。故世稱大慧與華居處為二。甘露門嘗誡弟子曰：衲僧家著草鞋住院，何啻如蚯蚓戀窟，平隆興。改元六月十三日，奄然而化。塔全身於本山。

行機

行機，台州人，姓楊氏，風姿挺秀，才壓儒林。年二十五棄妻孥，學出世法。晚見此庵，密有契證。出應筓山，乃耕火種。单丁者一十七年，嘗有偈云：地爐無火，客囊空雪。似楊花落歲窮，拾得斷麻穿壞衲。不知身在寂寥中，每謂人曰：某猶未穩在，豈以住山樂吾事耶。一日偶看斫樹，倒地忽然大悟。平昔礙膺之物，泮然冰釋。未幾有江州

空空
圓通之命。乃曰。吾道將行。卽欣然曳杖而去。登座說法。云。圓通不開。生藥舖。單單只賣死猫頭。不知那箇無思。算。喫着通身冷汗。流後住國清簡堂。示衆云。觀色卽空。成大智。故不住生死。觀空卽色。成大悲。故不證涅槃。生死不住。涅槃不證。漢地不收。秦地不管。且道在甚麼處。安身立命。莫是昭昭於心目之間。而相不可觀。晃晃於色塵之內。而理不可分。麼。莫是起坐鎮相隨。語默同居。止麼。若恁麼。總是觸髅前敲磕。須知過量人。自有過量用。且作麼。生是過量用。北斗藏身。雖有語出羣消息。少人知。

師體

師體。台州羅氏子。得法護國元禪師。住焦山。或庵。上堂。年年浴佛。在今朝。目擊迦維路不遙。果是當時曾示現。宜乎惡水。驀頭澆。僧問。我有沒絃琴。久居在曠野。不是不會彈。未遇知音者。知音旣遇。未審何如品弄。體曰。鐘作鐘鳴。鼓作鼓響。室中嘗舉箸。帚柄問學者曰。依稀若帚柄。髻赤班蛇。衆皆下語不契。有僧請益。體示以頌。曰。依稀若帚柄。髻赤班蛇。棒下無生。忍臨机。不認爺。

淳熙己亥八月朔示微疾染翰別郡將及諸法侶夜半書偈辭衆曰鉄樹開花雄雞生卵七十二年搖籃繩斷擲筆而逝

寶印

寶印嘉州人姓李氏幼從德山清素得度具戒後聽華嚴起信論既盡其說棄去依密印於中峰一日密舉僧問巖頭起滅不停時如何巖叱曰是誰起滅印啟悟首肯會圓悟歸眼覺密遣印往省因隨衆入室悟問從上諸聖以何接人印豎拳悟曰此是老僧用的作麼生是從上諸聖用底印以拳揮之悟亦舉拳相交大笑而止後至徑山謁大慧慧曰甚處來印曰西川慧曰未出劔門關與汝三十棒了也印曰不合起動和尚慧忻然掃室延之慧南遷印乃西還後再出峽住保寧金山再遷雪竇後於徑山開筵說法上堂三教諸佛以一句演百千萬億句收百千萬億句祇在一句祖師門下半句也無祇恁麼合喫多少痛棒諸仁者且諸佛是祖師是若道佛是祖不是祖是佛不是取捨未忘若道佛祖一時是佛祖一時不是顛頂不少且截斷葛藤一句作麼生

道大蟲。裹紙帽。好笑。又驚人。孝宗欽其道風。遣使召對。選德殿。稱旨。每入。輒賜肩輿於東華門內。上注圓覺經。遣使馳賜。命印作序。未幾乞退。得請庵居。紹熙元年十一月。往見交承智策禪師。與之言別。策問行日。印曰。水到渠成。歸索筆書。十二月初七夜。鷄鳴時。九字如期而化。奉蛻質返寺之法堂。留七日。顏色明閏。髮長頂溫。越七日。葬於庵之西岡。賜謚慈辯禪師。塔曰智充。

德光

德光臨江軍彭氏子。初依光化吉禪師。落髮受具。一日入室。吉問。不是心。不是佛。不是物。是甚麼。光罔措。遂致疑通。夕不寐。次日詣方丈請謁。昨日蒙和尚垂問。既不是心。又不是佛。又不是物。畢竟是甚麼。望和尚慈悲指示。吉震威一喝。曰。這沙彌。更要我與你下注脚。在拈棒劈脊。打出光。於是。有省。後謁月庵果應庵華百丈震終不自肯。適大慧領育王。四海英才鱗集。光亦在座下。大慧室中。忽問光。喚作竹篋。則觸。不喚作竹篋。則背。不得下語。不得無語。光擬對。慧便棒。光豁然大悟。從前所得。瓦解冰消。初住台之。光孝後。遷慶元育王。上堂。臨濟三

遭痛棒大愚言下知歸興化於大覺棒頭明得黃檗意
旨若作棒會入地獄如箭射若不作棒會入地獄如箭
射衆中商量盡道赤心片片恩大難酬揔是識情卜度
未出陰界且如臨濟悟去是得黃檗力是得大愚力若
也見得許你頂門眼正肘後符靈其或未然鴻福更爲
諸人通箇消息丈夫意氣衝斗牛一踏鴻門兩扇開孝
宗皇帝嘗詔入問道留宿內觀堂奏對機緣備於本錄
後示寂塔全身於鄧峰東庵

淨全

淨全越州人姓翁氏初參大慧慧嘗舉靈雲悟桃花問
之全曰靈雲一見兩眉橫引得漁翁良計生白浪起時
拋一釣任教魚鼈競頭爭得法後住慶元天童上堂舉
長沙示衆曰百尺竿頭坐底人雖然入得未爲真百尺
竿頭須進步十方世界現全身大慧先師道要見長沙
麼更進一步保寧則不然要見長沙麼更退一步畢竟
如何換骨洗腸重整頓通身是眼更須參全嘗自贊曰
匙挑不上箇村夫文墨胸中一點無曾把虚空揣出骨
惡聲贏得滿江湖後示寂塔於本山

祖元

祖元七閩林氏子，初謁雪峰預次，依佛心才，皆已机契。及依大慧於雲門庵，夜坐次，覩僧剔燈，始徹證，有偈曰：剔起燈來是火，歷劫無明照破歸堂。撞見聖僧，幾乎當面蹉過，不蹉過是甚麼。十五年前，竒特依前，祇是這箇。慧以偈贈之曰：萬仞峰頭解放身，起來依舊却惺惺。飢餐渴飲渾無事，那論昔人非昔人。紹興乙巳，出住雁蕩。能仁上堂，雁山枯木實頭禪，不在尖新語句邊。背手忽然摸得着，長鯨吞月浪滔天。

了明

了明不知何許人，妙喜杲會中龍象。叢林所謂明大禪也，身長八尺，腹大十圍，所至人必聚觀之。始妙喜謫梅州，州縣防送甚嚴，或以爲禍在不測。明爲荷枷以行，間關辛苦，未曾少怠。旣至貶所，衲子追隨問道者，率不下數百人。杲以齋粥不給，且慮禍，嘗勉之令去。明輒不肯，以身任齋粥，每自肩拷，梛行乞。至晚，卽數十人爲之荷米麩薪蔬食用之，屬成列以歸。衲子雖多，無不具足。如是者十七年，如一日。杲法嗣之盛，在貶所接者，居其半。

明之力也。杲被旨復僧衣自便，尋奉詔住育王。明嘗在座下，明爲人豪邁，機鋒敏速。妙喜室中，不許衲子下喝。明每入室，必振聲一喝而退。杲每語明云：「你這肥漢，如是會禪，驢年也未夢見在。」然念其勤勞之久，舉令出世。舒州之投子，頗多異跡，遷住長蘆，衲子輻湊，叢林改觀。及妙喜住徑山，明來供施，及飯大眾，泊歸長蘆。妙喜送以偈云：「人言棒頭出孝子，我道憐兒不覺醜。長蘆長老恁麼來，妙喜空費一張口。」從教四海妄流傳，野干能作師子吼。孰云無物贈伊行，喝下鉄圍山倒走。後奉詔繼妙喜講席，道望愈著。先是楊和王夢一異僧，長大蟠腹，緩行，言欲化蘇州一莊，覺而異之，未言也。翌日，明忽杖屨徒步而至，門者呵不止，以白和王。和王出見，遙望明奇偉，與夢中見者無異，遽呼其眷屬出覲之。眷屬並炷香作禮，茶罷，明首言：「大王莊田至多，可施蘇州一莊，以爲徑山供佛齋僧無窮之利。」和王未有可否，曰：「令辦齋。」明飯罷便出，更無他語。時內外闕然傳言，和王以蘇州莊施徑山長老，遂達孝宗聖聽。會和王入朝，上言聞卿捨蘇州一莊於徑山，朕當爲蠲免租賦。和王謝恩歸次。

日以書至徑山請明入城而明於二日前已遷化矣自是和王宴居寤寐之際或少倦交睫卽見明在前語曰六度之大施度爲先善始善終斯爲究竟和王卽以莊隸本山此莊歲出十萬犂牛舟車解庫應用百事具足復有蠲賦之恩至今蒙其利明於緇素有因緣所在施供雲委衲子臻萃佛事殊勝江浙兩湖皆以爲布袋和尚再出云

德明

德明姓顧氏鹽官人詩僧守璋之弟子也明獨刊落文字精研禪要紹興十八年入徑山叅眞歇了禪師相與問證後因覩爲溜以杵通竹節有聲豁然開悟四方義學因號爲竹節和尚乾道三年無疾卒

守仁

守仁上虞人初依雪堂於烏巨聞普說曰今之兄弟做工夫正如習射先安其足後習其法後雖無心以久習故箭發皆中唱一喝云只今箭發也看看仁不覺側身作避箭勢忽大悟後住長蘆且庵上堂百千三昧無量妙門今日且庵不惜窮性命祇做一句子說與諸人乃

卓拄杖下座，嘗頌臺山婆話云：開箇燈心皂角舖，日求升合度朝昏，只因風雨連綿久，本利一空愁倚門。

智標

智標，姓朱氏，鹽官人。感夢為僧，叅賢首宗教，紹興間住常州華嚴院。時歲亢旱，太守請之祈雨，杲日中祭龍而龍見，拏雲噴霧，應時雨澍，歲乃有秋。孫尚書覲為文記之，後以寒食日說偈而逝，建塔審山之陽。

曇賁

曇賁，永嘉人，遺其氏族，得法育王湛禪師，初住江心，病起上堂，維摩病，說盡道理，龍翔病，咳嗽不已，咳嗽不已，說盡道理，說盡道理，咳嗽不已，汝等諸人，還識得其中意旨也未？本是長江湊風冷，却教露柱患頭風。四明太守，以雪竇命賁主之，賁辭以偈曰：鬧籃方喜得抽頭，退鼓而今打未休，莫把乳峰千丈雪，重來換我一雙眸。後出世台州萬年，未幾卒於本住。

必才

必才，遺其氏族，祝髮苦行，掩關十年，入潤公性具之室，日勤懺演，著妙玄文句，諸書莊嚴佛閣，高踰百尺，台宗。

之領袖也。

宗回

宗回婺州人久依無示深得法忍住南劍州西巖因寺僧以茶禁聞有司吏捕知事回語衆曰此事不直之則罪坐於我若自直彼復得罪不忍爲也令擊鼓陞座說偈曰縣吏追呼不暫停爭如長往事分明從前有箇無生曲且喜今朝調已成言畢跌坐而逝。

惟尚

惟尚姓曹氏鹽官人少祈佛出家禮慶善元辯爲師徧參叢林得法於英普照勘辯於新黃龍退居宴坐墓廬與世相絕郡邑請住聖壽禪院院本雪峰結庵故地荆榛蛇虺人莫敢居尚住八年創立殿宇廊廡爲之一新尋謝歸舊隱卒年六十有七塔於院之西偏張無垢先生爲作記

道樞

道樞吳興四安吳氏子道場慧禪師之法嗣也初住何山次移華藏隆興初詔居靈隱孝宗皇宗召至內殿問禪道之要樞答以此事在陛下堂堂日用應機處本無

知見起滅之勞，聖凡迷悟之別，第護正念，則與道相應。情却物則業不能繫，盡去沉掉之病，自忘問答之意，矧今補處，見在佛般若光明中，何事不成見耶？上爲之首肯數四，一日上堂示衆曰：仙人張果老騎驢穿市過，但聞蹄撥刺，誰知是紙做。後退居明教永安蘭若，逍遙自適，有偈題於壁曰：雪裏梅花春信息，池中月色夜精神。年來可是無佳趣，莫把家風舉似人。淳熙丙申八月示微疾，書偈而逝，塔於永安。

從瑾

從瑾，永嘉人。南溪鄭氏子，初依資福圓辯，問義因宿龍翔，聽竹庵夜叅，退而歎曰：一經一論，非吾志也。亟走南閩，見西禪佛智，言下未契，復歸龍翔，依心聞，答一喝分賓主話，曇賁可之。自此生機頓發，妙用縱橫，心聞住長蘆，瑾分座接納，出世於儀真靈巖，心聞以無示所授，長靈衲衣付之，爲信史文惠問心聞得宗門骨髓者，爲誰？聞曰：瑾見地明白，輔以英銳之資，老僧不逮也。文惠遂請瑾住象山智門香燈院，後移雪竇，隱靜天童，雁山能仁龍翔，凡十一刹，每住不過三年，輒舍去，曰：古人戒宿。

桑下畏留情也。退居鹿園庵，晚不復出。年八十四，書偈而逝。世稱雪庵禪師。永嘉名僧前後非一，惟無示心聞雪庵三世師傳接武，繼響振撼諸方，垂七十年。

彥充

彥充於潛人，姓盛氏。幼依明空義堪禪師，首叅大愚宏智正堂大圓。後聞東林謂衆曰：我此間別無玄妙，祇有木札羹鐵釘飯，任汝齧嚼。充竊喜之，直造謁陳所見。林曰：據汝所見，正坐鑒覺中，充疑不已。將從前所得底一時颺下。一日聞僧舉南泉道時人見此一株花如夢相似，默有所覺。曰：打草祇要驚蛇。次日入室，林問那裏是巖頭密啟其意處。充曰：今日捉敗這老賊。林曰：達磨大師性命在汝手裏，充擬開口，驀被攔胸一拳，忽大悟。直得汗流浹背，點首自謂曰：臨濟道黃檗佛法無多些子。豈虛語耶？遂呈頌曰：爲人須爲徹，殺人須見血。德山與巖頭萬里一條鉄，林然之後住淨慈肯堂。上堂：世尊不說說，迦葉不聞聞。卓拄杖曰：水流黃葉來，何處牛帶寒鴉過。遠村後示寂，塔於寺之南庵。

真慈

真慈潼川人。姓李氏。初依成都正法出家。具戒後。徧游講肆。聽講圓覺經。至四大各離。今者安身。當在何處。畢竟無體。實同幻化。因而有省。作頌曰。一顆明珠在我這裏。撥着動着。放光動地。以呈諸講師。無能曉之者。歸以呈其師。遂舉狗子無佛性話。詰之。慈曰。雖百千萬億公案。不出此頌也。其師以爲不遜。乃叱出。慈因南遊。至廬山圓通掛搭時。正庵爲西堂。爲衆入室。舉僧問雲門。撥塵見佛時如何。門云。佛亦是塵。慈隨聲便喝。以手指胸。曰。佛亦是塵。慈復頌曰。撥塵見佛。佛亦是塵。問了。答了。直下翻身。勸君更進一杯酒。西出陽關無故人。得法後。住婺州智者元庵。嘗頌塵塵三昧曰。鉢裏飯。桶裏水。別寶崑崙往潭底。一塵塵上走。須彌明眼波斯笑。彈指笑。彈指珊瑚枝上清風起。

曇密

曇密天台盧氏子。初依資福道榮出家。十六圓具。習台教。棄叅大慧於徑山。謁雪巢。一此庵元入。聞留東西禪。無省發之。南泉教忠。偶舉香巖擊竹因緣。豁然契悟。述偈呈忠。忠舉玄沙未徹語。詰之。無滯。忠曰。子方可見妙。

喜矣。卽辭往梅楊，服勤四載，得法後住淨慈混源上堂。諸佛出世，打劫殺人，祖師西來，吹風放火，古今善知識，佛口蛇心，天下衲僧，自投籠檻，莫有天然氣槩，特達丈夫，出一隻手，主張佛法者麼？良久曰：設有也，須斬爲三段。室中舉雲門問僧：光明寂照，徧河沙因緣，密曰：平地撈魚蝦，遼天射飛鶚，跛脚老雲門，千錯與萬錯。

妙堪

妙堪，四明人，姓毛氏，廣額平頂，骨清氣豪，十歲從野庵道欽受釋氏學。叅松源岳於靈隱，不拜，往天童，叅無用。全公無用問曰：行脚僧遊山，僧堪曰：行脚僧無用。曰：如何是行脚事？堪以坐具便搥，無用曰：這僧敢來這裏捋虎鬚。叅堂去，室中嘗示以狗子無佛性話，一日擬開口，無用以竹篋劈口，便打。堪應聲呈偈云：大塗毒鼓轟天震地轉，腦回頭橫屍萬里無用領之。久之傳香，辭去西遊，歷登諸老門，迨出世妙勝，嗣無用。遷金文，移光孝，乙亥大旱，禱雨州治，郡將以道居左偏，堪謂釋左道右舊，有成法，力爭不可，退歸雪竇，申明於朝，得旨仍舊，乃已。未幾，領台之報恩，天台舊無律宗，堪議合十寺爲大刹。

築壇以闡毗尼。朝命徙虎丘。領雪峰。三年陞住靈隱。廷臣奏令僧道買紫衣師號。卽俾住持。堪以爲審。如是則千金之子皆可主法。吾道穢矣。奏聞其議。遂寢。詔徙育王。興建居多。而天童除書至。不應。未幾示疾。書偈。舜衆云。業鏡高懸。七十二年。一鎚擊碎。大道坦然。置筆。右脇而逝。

靈辨。義烏人。居苦竹庵。一几橫經。一甌貯粟。蕭然四壁。苦行二十年。日誦法華經。有羣虎蹲戶外。竊聽。自是一山遂無虎患。尋往錢塘。從學般若。若掛錫喜鵲庵。未幾。徧辭同侶。曰。某將歸矣。人謂其將還苦竹也。方相率以送。辨忽歛足而逝。闍維得五色舍利。大者如豆。

咸傑

咸傑。福州人。姓鄭氏。母夢廬州老僧入舍而生。自幼穎悟。出家爲僧。不憚遊行。徧叅知識。後謁應庵於衢之明果。孤硬難入。屢遭呵責。一日庵問如何是正法眼。傑遽荅曰。破砂盆。庵頷之。贈以偈曰。大徹投機句。當陽廓頂門。却把正法眼。喚作破砂盆。出世衢之烏。巨上堂。舉金

峰和尚示衆云。老僧二十年前有老婆心。二十年後無老婆心。時有僧問。如何是和尚二十年前有老婆心。峰曰。問凡。答凡。問聖。答聖。曰。如何是二十年後無老婆心。峰曰。問凡。不答凡。問聖。不答聖。傑曰。烏巨。當時若見。但冷笑兩聲。這老漢。忽若瞥地。自然不墮。聖凡。窠曰。尋奉詔住徑山。晚遷靈隱。後示寂。塔於中峰。

智連

智連字文秀。姓杜氏。鄞人。學於圓照梵光。嘗與宏智登千佛閣。智曰。聞四明講教。言空中有相。光曰。誠然。智以

手指太虛曰。本無一物。其相安在。連指山川樓閣。此諸佛像。復是何物。智服其言。後居南湖。史太師與游。問曰。師於禪律能貫通耶。連曰。氷泮雪消。固一不二。又問。華嚴般若。何支離。連曰。支離所以爲簡易。賜號靈覺大師。隆興元年十二月十八日逝。樓鑰評之曰。心大而行密。體卑而道尊。恭而不勞。博而不雜。寂用之徑。不可測也。有權

有權臨安昌化人。姓祁氏。年十四得度。十八歲禮佛智裕於靈隱。時無庵爲第一座。室中以從無住本。建一切

法問之。權久而有省。荅曰：暗裏穿針，耳中出氣。庵可之。遂密付心印。嘗夜坐達旦，行粥者至，忘展鉢。隣僧以手觸之，權感悟。作偈曰：黑漆崑崙把釣竿，古帆高掛下驚湍。蘆花影裏弄明月，引得盲龜上釣船。佛智嘗問心包太虛，量廓沙界時如何。權曰：大海不宿死屍，智撫其座曰：他日子尚據此，呵佛罵祖去。權自此埋藏頭角，益自韜晦。游歷湖湘江澗，十餘年，依應庵於歸宗。叅大慧於徑山，無庵住道場，招權分座說法。於是聲名隱然。後住常州華藏伊庵，上堂禪禪無黨無偏。迷時千里隔，悟在

口皮邊。所以僧問石霜如何是禪，霜云：巍巍。又僧問睦州如何是禪，州云：猛火着油煎。又僧問首山如何是禪，山云：猢猻上樹尾，連顛大衆道無橫。徑立處孤危，此三大老行聲前話路用。劫外靈機，若以衲僧正眼檢點將來，不無優劣。一人如張良入陣，一人如項羽用兵。一人如孔明料敵，若人辨白得，可與佛祖齊肩。雖然如是，忽有箇衲僧出來道：長老話作兩橛也。適來道道無橫徑，無黨無偏。而今又却分許多優劣，且作麼生祇對還委悉麼。把手上山齊着力，咽喉出氣自家知。淳熙庚子秋

示寂留偈跌坐而逝茶毘齒舌不壞

善月

善月字光遠定海人母夢月入懷而生後出家遂名善月蓋古佛名也居南湖問如來不斷性惡之論有省史太師以月波處之學者雲集晚居上竺史忠獻問曰欲何能斷曰日遠月忘或問以安心曰心原不動又問法華經藏曰當處全彰晚年著論不輟有楞嚴玄覽金剛會解圓覺略說楞伽通義等書天台之學以月爲冠

善禪師

善禪師吳興劉氏子世登臚仕善生統緒中姿性高潔年十三卽辭家祝髮受業齊政院其師教以經論一見輒了大意乃徧參諸宿時佛照光唱道鄮山善往參禮以風旛語直箭機鋒蒙印可贈以偈曰今日與君通一線斬釘截鉄起吾宗自是辨慧融釋然不以此自足遊衡湘還入康廬卓錫妙高峰下面壁坐十年一時學者尊稱之曰妙峰禪師分座於雁山能仁出世於慧因洪福萬年諸刹晚居靈隱靈隱密邇行闕輪蹄湊集善掩戶若不聞一無所將迎公卿貴人或見之寒温而已上

堂云應物現形如水月中月信手拈來一時漏泄以拂子擊禪床左邊云者裏是鑊湯爐炭擊右邊云者裏是劒樹刀山前面是觀音勢至後面是文殊普賢中間一着還知落處麼又擊云毘婆尸佛早留心直至如今不得妙善生平善誘未嘗厲聲色一經指授輒神馳心悟皆克然自得將示寂澡身跌坐書偈云來也如是去也如是來去一如清風萬里遂逝壽八十四臘七十一火浴獲設利不可數計塔於靈隱之西岡

如琰

如琰字浙翁台州周氏子穎悟絕倫得法育王光禪師住餘杭徑山嘗作維摩讚偈曰毘耶示疾放憨癡添得時人滿肚疑不是文殊親勘破者些毛病有誰知

崇岳

崇岳處州龍泉人姓吳氏棄家衣掃塔服受五戒於大明首造靈石妙公繼見大慧杲於徑山慧陞堂稱蔣山應庵爲人徑捷岳聞之不待旦而行旣至入室未契退愈自奮厲朝夕咨請應庵舉世尊有密語迦葉不復藏岳云鈍置和尚應庵厲聲一喝岳有省應庵大喜以爲

法器說偈勸使祝髮隆興初岳始得度於臨安西湖白蓮精舍自是徧參諸宿罕當其意者迺入閩見乾元木庵永公舉有句無句如藤倚樹岳云裂破木庵云琅琊道好一堆爛柴聲岳云矢上加尖如是應酬數反木庵云吾兄下語老僧不能過其如未在他日拂柄在手爲人不得驗人不得岳云爲人者使博地凡夫一超入聖域固難矣驗人者打向面前過不待開口已知渠骨髓何難之有木庵舉手云明明向汝道開口不在舌頭上後當自知逾年見密庵於衢之西山隨問卽答密庵微笑而已岳切於寃畢至忘寢食密庵移將山華藏徑山皆從之會密庵入室次問傍僧不是心不是佛不是物岳侍側豁然大悟乃曰今日方會木庵道開口不在舌頭上自是機辯縱橫密庵遷靈隱遂分座慶元三年靈隱虛席被旨補處上堂云大凡扶豎宗乘須具頂門正眼懸肘後靈符只如保壽開堂三聖推出一僧保壽便打三聖道與麼爲人瞎却鎮州一城人眼去在保壽擲下拄杖便歸方丈二尊宿等間一挨一撥便乃發明臨濟心髓只是不知性命總在這僧手裏還有檢點得出

者。應昔年覓火和烟。得今日擔泉帶月歸岳。居靈隱六年。法道盛行。得法者衆。退居東庵。未幾示疾。書偈曰。來無所來。去無所去。瞥轉玄關。佛祖周措。跏趺而逝。世壽七十有一。僧夏四十。塔全身於北高峰之原。

祖先

祖先廣安黃氏子。天童傑禪師之法嗣也。工夫穩實。見地分明。嘗分座靈隱。有道者請益曰。胡孫子捉不住。願垂開示。先日用捉他作甚麼。如風吹水。自然成紋。時無準恃傍。大悟有示。楞嚴座主偈曰。見猶離見。非真見。還盡八還。無可還。木落秋空。山骨露。不知誰識老瞿曇。

普濟

普濟明州奉化人。得法徑山琰禪師。住靈隱大川。嘗纂脩五燈會元。題世尊出山相偈云。龍章鳳質出王宮。肘露衣穿下雪峰。智願必空。諸有界。不知諸有幾。時空。

善珍

善珍南安人。姓呂氏。年十三。依崇福南出家。落髮十六。遊方。至臨安。受具足戒。謁妙峰善於靈隱。入室悟旨。後以朝命出世。徑山上堂示衆云。古者道知之一字。衆妙。

之門。又有道知之一字。衆禍之門。只這二門。入得更須。出得。三老諸佛。出不得。六代祖師。出不得。天下老和尚。出不得。何以故。變錢成金。易變金成錢。難嘗自題其像。云。參禪無悟。識字有數。眼三角似慈山。愁胡面百摺。如趙婆呷醋。一着高出。諸方敢道飯是米。做紹興丁丑五月中。示寂。世壽八十有三。

如珏

如珏。婺州人。天童智頴之嫡嗣也。得法後。出世臨安徑山。號荆叟。禪師室中。僧問。如何是佛。珏荅曰。爛冬瓜。仍示以頌云。如何是佛。爛冬瓜。咬着冰霜透。齒牙根蒂。雖然無窖子。一年一度一開花。

大觀

大觀。字物初。鄞縣橫溪人。姓陸氏。初參北磻於淨慈。悟旨。典文翰。聲稱藉甚。晚住育王。座下名緇蟻附。上堂云。達磨正宗。衲僧巴鼻。充塞虛空。無處回避。堪笑迷流。白日青天。開着眼。只管瞌睡。更有黃面老人。不識好惡。入泥入水。却道我於燃燈佛所。無一法可得。而爲我授記。何異好肉剝瘡。空花求蒂。畢竟如何。悉唎。悉唎。既願世。

塔全身於寺之西庵

岫禪師

岫禪師字雲外，族昌國某氏。身材短小，精悍有餘。師事直翁舉公，剃落，究明曹洞宗旨，盡其源底。出世慈谿石門，歷象山智門，遷郡之天寧，繼以三宗四衆推挽，升住天童叢林，莫不稽首稱慶。岫說法能巧，譬旁引貴，欲俯就學者而曲成之。至於奔軼絕塵，雖鶻眼龍睛亦無窺瞰分。見後生敬之愈謹。二時粥飯，必同衆赴堂。既寂，無餘貲。禪者率錢津送後事，塔葬於本山之麓。

正源

正源歐陽文忠公之裔也。得法虛谷陵禪師，智開識融，燭無不照，每答辯難如解堅木屑，飛皆成珠玉。聆其聲欬者，雖貢高之士無不心折。方鎮迎蒞五刹，遠近慕化。晚居靈隱，一夕火發，源正念攝持，神相所居獨存不燬。聞者以為異。既坐逝，弟子分瘞爪髮，皆藜生舍利。

師範

師範蜀之梓潼人，姓雍氏，九歲出家。其師授經書，過目成誦。登具後，次成都坐夏，遇老宿名堯者，範請益坐禪。

之法。堯曰：禪是何物？坐底是誰？範受其語，晝夜體究。一日如廁，提前話有省，因謁佛照於育王。佛照問曰：何處人？範曰：劔州人。佛照曰：帶得劍來麼？範隨聲便喝。佛照笑曰：者鳥頭子也。亂做範貧甚，無貲雜髮，故佛照室中常以烏頭子目之。久之，還住靈隱破庵，居第一座。齋餘同遊石筍庵。庵之道者請益胡孫子話，破庵荅之。範於侍傍聞之，豁然從來凝滯如冰，自解後遷居雪竇。被旨移育王。未幾，嵩少林散席徑山，朝命以範補處，召對政殿，稱旨，賜金襴僧伽黎，仍宣詣慈明殿，陞座說法。上垂簾聽之，賜號佛鑑禪師。淳熙戊申秋，築室明月池上，榜曰退畊，乞老於朝，而舊疾適作。三月旦，升堂示衆曰：山僧既老且病，無力得與諸人東語西話，今日勉強出來，從前所說不到底，盡情向諸人面前抖擻去也。遂起身抖衣云：是。多少十五日，執筆書偈云：來時空索索去也。赤條條更要問端的。天台有石橋，移頃而逝。塔全身於圓照庵，稟法分化。有雪岩欽、斷橋倫、西岩惠。

妙義

妙義不知何許人，歷方外，晚住上虞之象田。寒暑一衲。

空空外

卷之七

光碧堂

不易不洗未嘗垢穢人以此異之。紹熙元年三月忽與鄉人語別曰吾將遠遊矣俄捉筆書偈遂趺坐几上現三昧火自焚而凡不壞。

法薰

法薰眉山人姓彭氏幼從寶院智明出家具戒後遊方至石霜禮雷遷塔述偈曰一念慈容原不隔何須特地肆乖張平高就下婆心切惱得雷公一夜忙薰名由是大著聞穹窿破庵道望遂往依之破庵一見許爲法器至中舉世尊拈花迦葉微笑薰云焦磚打着連底凍赤眼撞着火柴頭破庵竒之每於日用語默處故起其疑薰於是決志依歸隨時叅扣與無準範日相激勵尋辭去徧遊諸老門見靈隱松源岳淨慈肯堂克華藏遜庵演咸謂其從作家爐鞴中出自不同也俄出世蘇之高平寶慶初遷淨慈次遷靈隱上堂示衆云但得本莫愁未喚恁麼作本喚恁麼作末松柏千年青不入時人意牡丹一日紅滿城公子醉山僧恁麼道若有不肯的是我同叅寂年七十五臘五十三。

道冲

道冲武信長江荀氏子，生而豐上短下，資性絕人，少長以進士業，應詔不利，受釋氏學於梓州妙音禮公，落髮初習經論，尋出峽，回翔荆楚間。時曹源生出世於妙果，冲聽入門語，有省，叅堂，俾侍香，朝從夕遊，老拳痛棒，不少貸，平生知見，至是多無影響。三年，以偈辭遊浙，其言有曰：尚餘窮相一雙手，要向諸方痒處爬。至京師，依松源岳於靈隱，尋由徑山第一座，應嘉禾光孝，請嗣曹源。時多歲歉，忍飢行道，行乞養士十三年，無倦色。詔住天童，衆集如海，法度脩明，雖宏智盛時，殆不之過。育王虛席，攝住持事，往來說法，兩山間。上堂曰：天童用底來，育王用不著，育王用底歸。天童用不著，雖然如是，用不著處，用有餘。一箭雙鵬，隨手落。二年，有旨移靈隱，而世故有不滿其意者，伐鼓告衆，歸隱金陵。未幾，育王笑翁堪散席，朝論以大覺故家，不輕畀付，召冲隱所，使者三返，卒不奉詔。明年，升徑山，無何疾作，侍僧以遺偈請，麾斥不顧，已而笑謂侍者曰：末後一句，無可商量，只要箇人直下承當，言畢，右脇而逝。

法慈

法慈上虞人，出家長慶寺，博通內外典，尤精禪觀。所居多花木泉石，頗有幽意。士大夫多往遊焉。慈延納無倦，餐其禪味者，無不留連。竟日嘉泰初，忽謝客，會其侍者，辭往行在所，請給僧牒。語曰：宜速回。比還，令速具湯澡畢，易衣坐。其徒往視之，目已就瞑。亟呼曰：和尚幸自得恁好，何不留一頌子。慈曰：不早道，我今寫不得也。嗣法云：某當代筆，遂張目大聲云：無始劫來不曾生，今日當場又隨滅。又隨滅萬里炎天一點雪，卽歛目而逝。

弘濟

弘濟住普福寺，學博律嚴，融通玄理。定中恍見智者，授犀如意已，而龍象馴擾，懺感雨花，呪沙散處，鹽官海岬爲之不堪。

文禮

文禮號滅翁，杭之臨安人，姓阮氏。家天目之麓，因又號天目云。生六歲，携筐隨母採桑，俄而寤，念携之者誰耶。遂有離俗志。年十六，依真相寺剃落，叅淨慈，混源不契。謁育王佛照光禪師，光問恁麼來者，那箇是你主人公。禮豁然領旨。他日光再問，是風動，是旛動，這僧如何禮。

云物見主眼卓豎又問不是風動不是旛動甚處見祖
師禮云揭却腦蓋光喜其俊邁挽爲書記久之返浙西
聽一心三觀之旨於上天宮三年月日書
既而遷溫之能仁未幾歸西丘奉詔住持淨慈室中每
舉南山筆筭東海烏鰂話學者擬議禮輒督牙三下莫
有湊泊之者厥後遷居福泉升住天童因上堂舉楞嚴
經云諸可還者自然非汝不汝還者非汝而誰乃作頌
云不汝還者復是誰殘紅流在釣魚磯日斜風定無人
掃燕子銜將水際飛佛光法照首依禮於梁渚禮令往

下竺叅北峰印公作二偈送之曰送子叅尋有鷲山諸
方多是落前三自從開異歸同後圓旨於今亦倦譚揀
境分明妙藥方餘之分別更須忘晚風吹落殘紅片休
向枝頭覓舊香叢林至今傳誦不絕禮尤邃於易乾淳
諸儒大闡道學禮與之遊直示以心法不爲世語狗悅
也朱晦庵問母不敬禮義手示之楊慈湖問不欺之力
師荅以偈曰此力分明在不欺不欺能有幾人知要明
象兔全提句看取升階正笏時其曉人類如此禮所闕
五刹通不過八九年而得間之歲月多逍遙於梁渚之

西丘羣衲忝叩，無異領衆時也。將示寂，問侍者曰：誰與我造無縫塔？侍者曰：請師塔樣。禮云：盡力畫不出。乃怡然脫去。壽八十四。臘六十八。紹其傳者有橫川珙、石林鞏，稱二甘露門云。

善繼

善繼不知何許人。母夢神授白蓮而生。蓋永明壽禪師後身也。長治春秋，歎曰：此身終壞，即穹爵因春秋而致得幾何。春秋即乃棄去。傳法湛堂澄，脩法華懺，每多感應。四方豪俊，執經輪下者，常數百人。後住集慶於池深木寒處，脩十六觀，證壽無量，舍利累積。

水盛

水盛不知其所自來。掛錫妙果，遇孤舟濟力。參求悟如敵萬人。如上逆灘，至如透水月華波，搖不散而濟印之。始居南巢五龍，讓宅生有祥輝。逝日練光縱橫分合，彌亘山谷。

五山谷

故魯南巢王...

瑞萬人收土...

水翅不似其...

水翅

兩浙名賢外錄卷之八目次

空空

元

妙高

元熙

行端

了万

時習

懷則

妙原

文明

懷實

宏濟

間禪師

大證

明本

晦機

普岩

元長

祖如

慧日

覺慶

希陵

世愚

行鞏

慧照

松隱茂

守貴

士璋 洪偽附

慧炬

得喜

清珙

盛勤

以假

行元

祖銘

明

懷信

万金

了真

曇噩

白雲禪師

梵琦

祖闡

慧明

輔良

祖燈

慧曇

智順

自緣

普仁

智及

惟則

懷渭

大同

法衡

元灊

悟光

克諧

溥洽

若愚

文沼

景隆

季善

雪庭

成權

正虛

潘頭陀

智明

至剛

普明

佛進

寶安

道涓

普智

宋解

祿宏

如榮

如通

如清

廣如

廣槐

廣承

詩僧附

唐

靈一

皎然

靈徹

道標

宗亮

貫霜棲悟不吟附

高閑

鑒宗附

五代

希覺

無作

貫休

曇域附

警光

從瓌智宗附

宋

居簡

仲休

仲皎

智圓

道潛

惠勤

守璋

元

居昱

本覺

明

一覺

大訢

復見心附

如筏

弘道

守仁

德祥

園詮

心泰

弘闡

法聚

斯學

兩浙名賢外錄目次卷之八終

兩浙名賢外錄卷之八

東海徐象梅仲和氏撰

海鹽大原道 岍閱

空空

元聖師四來奉命卦蘇山靈十有三輝眾能五千前

妙高

妙高福州之長溪人家世業儒母阮夢池上嬰兒合爪

坐蓮華心手捧得之覺而生高因名夢池神采秀徹嗜

書力學尤耽釋典固請學出世法依吳中雲夢澤公受

具後銳意求道。首叅痴絕。次見無準。後之育王。見偃溪。入室。掌藏鑰。一日溪舉譬如牛過窓楞。頭角四蹄都過了。因甚尾巴過不得。高豁然有省。荅曰。鯨吞海水。盡露出珊瑚枝。溪可之。出世大蘆。遂爲嫡嗣。遷勸忠。再遷何山。雲衲四來。尋奉詔住蔣山。歷十有三載。衆踰五千指。德祐乙亥。寺被兵。軍士有迫高求金者。以刃擬高。高延頸曰。要殺卽殺。吾頭非汝礪刃處。辭色了無怖畏。軍士感動。擲刃而去。伯顏丞相見而加敬。施牛百頭。齋糧一千斛。寺賴以濟。至元庚辰。遷徑山。寺被火。高悉心興建。不十年。還舊觀。無何而有潛毀。禪宗者。高歎曰。此宗門大事。吾當忍死爭之。遂趨京。有旨集諸宗徒。廷辯。上問禪以何爲宗。高奏淨智妙圓。體本空寂。非見聞覺知。思慮分別所能到。宣問再三。高歷舉西天東土諸祖。以至德山臨濟。棒喝因緣。大抵禪是正法眼藏。涅槃妙心。超最上乘。孰有過於禪。詞指明顯。餘二千言。又宣進榻前。與譖者反覆論難。譖者辭屈。上大悅。禪宗按堵如故。陞辭南歸。示衆云。我本深藏巖竇。隱遯過時。不謂日照天。臨難逃至化。無何而徑山復災。高謂衆曰。吾夙負此山。

債耳遂竭力再為營建。匯殿坡為池以厭火災。他屋以次落成。癸巳六月十七日。書偈而逝。壽七十五。臘五十九。葬於寺之西麓。

原妙

原妙號高峰。吳江人。出家淨慈寺。立三年。死限學禪。年二十二。請益斷橋。倫倫令叅生從何來。死從何去。話於是脇不至。席口體俱忘。或如廁。惟中單而出。或發函。忘扁鑰而去。時雪巖寓北礪塔。欣然懷香往扣之。方問訊。卽打出閉門。再往始得。就近欽。忽然罵曰。阿誰與你拖箇死屍來。聲未絕。卽打如是者。不知其幾。妙禮扣愈虔。忽觀五祖演和尚真讚云。百年三萬六千朝。反覆元來是遮漢。驀然打破拖死屍之疑。明日詣欽。又曰。阿誰與你拖箇死屍來。拈棒便打。妙唱住曰。今日却打某不得。拂袖便出。欽更問萬法歸一。一歸何處。妙云。狗舐熱油。錯自是機鋒。不讓遂登天目山。師子峰。結廬以居。弘悟普度。名冠元世。

元熙

元熙。豫章人。姓唐氏。世業儒。西山明覺明公乃熙之族。

叔父也。聚其宗族子弟，教以世典。熙與兄元齡俱從進士業。元齡既登第，熙年十九，遂從明公祝髮，將遊方。其母憐之，私具白金爲裝。熙曰：「財足喪志，卽善辭母，不持一錢以行。」至吳，一時名宿皆欲出已門下，不顧也。聞物初覲，闡化玉几，徃依之物，初與語，大驚異，留侍左右。朝夕咨扣，盡發其秘字之曰：「晦機。」後至錢塘，謁東叟。穎於南屏，延熙掌記。至元中，楊璉真珈奉旨取育王舍利塔，進入供養，乃親詣熙求記述舍利始末。因招與俱，熙辭曰：「我有老母，亂後存亡不可知，遂歸江西。」則元齡先以臨江通判從文丞相起兵，死，獨母在堂。熙奉之以孝，聞隱居里之瀟山。元貞二年，出世百丈，居十二載而法席振興。至大初，應淨慈之請，發揚宗旨，四方英衲一時輻奏。上堂曰：「雲門道箇普字，盡大地人不奈何。」殊不知雲門四稜塌地，當時若與震威一唱，待此老惡發，徐徐打箇問訊道：「莫怪觸忤好，非徒扶起此老。」管取話行天下。居七載，遷徑山。閱三月而杖策歸南山之下，復起之，不徃也。江西學者聞熙退間，咸傾誠法味，以致百丈大仰之徒爭來請熙，熙不獲已，遂返仰山。居三年，將示寂，手

書所與往來作偈示衆擲筆化去。年八十二。塋於大仰之下。其徒之在杭者。又建塔於淨慈之西。隱以存瞻敬之所。嗣法者有笑隱。訢石室。瑛。仲芳。倫。

文明

文明。姓婁氏。諸暨人。母王姬時。夢神人以白芙蓉授之。乃生。甫能言。見母舉佛號。卽依聲和之。及長。客居山陰。靈壁寺。窺內典。輒歎曰。欲求出世間法。非釋氏吾誰依。大德九年。遂投靈壁僧思窮。祝髮。明年。精進益力。一夕。集衆謝曰。吾將歸矣。書偈擲筆而逝。

行端

行端。臨海人。姓何氏。生而秀拔。幼不茹葷。年十二。得度。化城。十八。受具戒。一切文字。不由師授。自然闇解。初。叅藏叟於徑山。叟問汝是甚處人。端云。台州。叟便喝。端展坐具。又喝。端收坐具。叟云。放汝三十棒。叟堂去。端於言下。豁然大悟。卽延入侍司。叟告寂。端至淨慈。依石林鞏。卽處以記室。尋以靈隱山水清勝。往掛錫焉。端嘗自稱寒拾里人。橫川珙在育王。以偈招曰。寥寥天地間。獨有寒山子。端竟不渡江。而謁覺庵真於承天。復叅雪岩欽。

於仰山岩問何處來。端云：雨浙。岩云：因甚。語言不同。端云：合取臭口。岩云：獺徑橋高，集雲峰峻，未識書記在。端拍手云：鴨吞螺螄，眼睛突出。岩笑，顧謂侍者：點好茶來。端云：也不消得。居三歲而岩逝，乃還浙右。徑山請居第一座，尋出世湖之資福。學徒奔湊，名聞京國。特旨賜慧文正辨禪師，以薦主中天竺。尋遷靈隱，有旨設水陸大會於金山。命端陞座說法，加賜佛日普照之號。復補徑山。一十年間，三被金襴袈裟之賜，足不踰閩而慕其道者鱗萃。至無所容，上堂舉僧問趙州：狗子還有佛性也。無州云：無。又僧問狗子：還有佛性也。無州云：有。端云：若以無爲究竟，後來因甚。道有。若以有爲諦當，前面因甚。道無。者裏捉敗。趙州許你：天上天下，端以呵叱怒罵爲門。弟子慈切之誨，以不近人情。行天下大公之道。端之利他，皆陰爲之。沒齒不言。至正辛巳八月四日，書偈辭。衆云：本無生滅，焉有去來。冰河發燄，鐵樹花開。投筆垂一足而化。世壽八十八。僧臘七十六。塔全身於寂照院。弟子竹泉林、古鼎銘、夢堂噩、楚石琦、以中及等，皆足以亢其宗。

懷實

懷實，上虞人，姓任氏，受經於會稽澄心寺。師以其魯鈍，令赴壽昌寺習禪定。百日期滿，果心神開朗。寺欲建佛閣，令實往天台伐木，遠不能致，即在彼山中誦大悲咒，以芝麻一升記之。垂盡，夢山神告曰：師第還，吾當助力。約以時日，令候於塘角村江岸。如其言還，寺眾嗤笑之。至期，大風雨果漂所伐木至閣，遂成。又塘角村江岸屢崩，實築塔其上，潮遂不復爲害。一百二歲，無疾卒。

了万

了万，族臨川金氏。年十五，祝髮靈芝，產於戶樞。具戒游方，諸名宿多以爲法器。東叟領南屏，擇掌書記，偶經神祠，見紙灰隨風旋起者，脫然忘所證，亟以白東叟。東叟詰之，終無疑滯，遂蒙印可。尋開法寒岩，以嗣東叟。三年，遷仙居紫籜。又十年，遷踈山。未幾，江淮總統會諸山於靈隱，直指堂議以開先，迎居之。一蒞事，而叢林鼎新。又十年，升住江心，少不合意，輒棄去。如脫屣。會廬山月澗明遣舟迎歸東溪，明示寂復，還開先。皇慶初，書偈辭衆坐脫，闍維收五色設利，如菽不可計。雙目睛不燼，鎔以

烈燄益晶熒齒牙頂骨錚錚有聲時改作豫章烏遮塔
江西行省丞相幹赤命以舊藏釋尊設利奉於中遣使
分一山之目睛設利貯之銀函陪葬焉

宏濟

宏濟餘姚姚氏子有戒行墳典過目不忘以流通經教
為已任泰定二年鹽官州海潮衝堤民有魚鱉之憂請
濟呪之足跡所到土皆凝然畚鍤隨舉長堤屹垂如虹
飲海民到於今受其賜禪定之暇頗工篇詠鉄崖楊廉
夫亟賞之以為不媿古人

時習

時習山陰人延祐中以高麗王薦召至京令說法於南
城寺頂門忽現異光縈結如盖四眾瞻仰皆以為肉身
菩薩

閻禪師

閻禪師南京人姓周氏年十三出家禮偃一人為師雍
落受其一日閱華嚴經至惟一堅密身一切塵中現忽
有省即往見別山智於蔣山智問近離何處閻云江西
智云馬大師安樂否閻义手進云起居和尚智命侍香

未幾至杭見斷橋倫於淨慈倫問臨濟三遭黃檗痛棒
是否問曰是又問因甚大愚肋下築三拳問云得人一
牛還人一馬倫頷之倫逝而相山介石來補其處一日
室中舉栢樹子話問擬議石抗聲云何不道黃鶴樓前
鸚鵡洲問於言下頓悟久之歸廬山尋出世西林爲介
石嗣大德九年陞住靈隱嘗勸一僧云微塵諸佛在你
舌上三藏聖教在你脚底何不瞥地僧罔措問便喝又
勸一僧云釋迦彌勒是他奴他是阿誰僧擬對問便打
一僧新到問問何處來僧云閩中問云彼處佛法如何
住持僧云飢卽喫飯困卽打睡問云錯僧云未審和尚
此間如何住持問拂袖歸方丈僧休去居四歲而逝書
偈辭衆曰緣會而來緣散而去撞倒須彌虛空獨露世
壽七十五僧臘五十二

懷則

懷則上虞人宋景定間祝髮澄照寺銳意參學往天台
諸寺究尋智者教觀四十餘年至元中住天台白蓮寺
學者雲集次徙杭州南竺高麗王子聞其名附書相邀
以老疾辭年八十餘卒有天台四教儀要正行於世

大證

大證番陽人。姓史氏。初從昌國寺智節學出世法。薙落髮。具出遊。謁荆石琬於廬山。機語不契。時思庵睿居闍房。證日親煨煉。雲外岫方唱曹洞之道於天。童證往依之。一日入室次。岫云。天童今日大死去也。汝作麼生救。證云。請和尚喫飯。岫又云。天童今日大死去也。汝不要相救。證云。救它作麼。岫又云。天童今日大死去也。阿誰與我同行。證云。和尚先行某甲。隨後岫呵呵大笑。自茲情同魚水。猶瀉山之與寂子也。遂命典藏教。已而謁中峰本於天目山。本雅相器重。至沿間。詔天下善書者。以金書藏經。與國師妙公偕北上。入覲。事竣。賜以織金犀朏之衣。泰定初。還主衢之南禪。說法爲雲外之嗣。繼領光孝。遷信了。祥符。尋奉詔。主慶元之定水。開四年。遷雪竇。上堂。妙不妙。衲僧鼻孔多無竅。玄不玄。刹竿頭上無青天。至士寧容袖手。良馬豈待揮鞭。全超棒喝。不落蹄筌。百鳥不來春。又去岩房。贏得日高眠。居四年。退居定水之圓明庵。明年示寂。世壽六十有五。

明本

明本錢塘人。姓孫氏。學佛精進。首觸於柱。臂燃於火。膚不近席者三十年。入原妙關。誓死求之。既由金剛經得悟。而沉默韜晦。恒若未悟者。一衲一單。屢居舟。居皆名幻。住後居天目。仁英二廟。欽其道風。俱賜紫衣。號稱大國師。文宗加謚智覺焉。潘王璋與諸公卿。皆函香師事之。北殫龍漠。南極六詔。西連身毒。東抵扶桑。奔走歸依。不可避。而像入南詔。神光燭天。歿之日。白虹貫日。哀動山谷。所著有中峰廣錄。梓行於世。揭侯斯爲之序。說者謂本師前身爲慧開法師。慧開身材眇小。而師所遺隻履。乃長一尺。有咫。人以此爲異云。

晦機錢塘人。姓唐氏。性至孝。雖拾俗不廢。色養博學。工文辭。禪門中稱爲繡虎。諸大臣高其德風。率屬迎主。淨慈高麗日本雲南之僧。集猊座下。日以千計。一聞其指授者。無不證無生法。忍嘗作佛閣。植松柏。鬱成叢林。末法之弘。以機爲首。

普岩。不知何許人。嗣法靈隱岳禪師。住湖州道場之。

庵開筵說法，衲徒雲集。嘗題趙州像偈云：無端提起七斤衫，多少禪人着意參。盡向青州做窠窟，不知春色在江南。其下有虛谷愚石帆衍紹其法席，稱龍象云。

元長，蕭山人，姓董氏。所謂千巖者也。居天龍東庵，有蛇日來環繞，長為說法，蛇叩首而去。由是聲光日顯。嘗往烏傷伏龍山，見龍壽寺故址，樂之，手植一松，誓曰：此地般若復興，吾松當茂。後果化瓦礫為伽藍松，亦漸長，析為二幹，屈曲如虬龍，望之飛動。至正十七年，南枝忽瘁，已而長卒，因號般若枝。宋學士濂為之讚。

祖如

祖如字宗振，錢塘朱氏子。幼誦魯誥，卽以野諷訓僧。雖於南屏踏拖慵，率濟顛之流也。後居天池，一日作書辭諸善信云：某日西歸，及衆赴化期，如已忘之。尚曳杖逍遙，問故始沐浴更衣，坐脫有塵根都盡。萬月當空之偈。

慧日

慧日姓金氏，鹽官人。青年薙染，受具叅方。禮天池元禪師，遂契宗旨。後住硤石圓覺寺，大振玄風。座下得法者

多於麻葦云有語錄并十猶頌行於世

覺慶

覺慶鄞人姓毛氏弱歲禮壽梅峰落髮師化道俗以檀波爲第一至正辛巳杖錫至雲間觀普照佛會隆盛遂預作別四明及武林諸道侶二書并偈云無量劫來元有我無有有我我亦無無我無人無覓處蕩蕩光明耀太虛後示衆云興來立到五更後徹骨寒侵有幾人已而示寂三日茶毘於西延恩徧體汗下迎歸是夕紅光燭天又十日顏貌如生髭髮自長四衆歎異

希陵

希陵號大辨契雪巖欽公之旨卓錫淨慈文章高古詞場道場學者爭湊其門卽仰山二龍亦日往朝焉視黃白無殊瓦礫元四帝皆賜號寵之虞集銘其墓

世愚

世愚西安人姓余氏母夢觀音送童子而生天資超悟聞法便了日據禪床而坐兀如枯株當其研味寢食不覺偶聞證道歌豁然大悟遂嗣止巖息影大慈山者十六年輪下常滿賜號弘辨大師有二陰語錄

行輩

行輩不知何許人。夢泗州大聖。衣覆頂而落髮。得旨松源之後。諸大德每延致之。晚繼淨慈倫公法席。一時獨盛。

慧照

慧照橫川珙公。後身閱真淨語。懸解詣東。與勘辨如九舞空。遂與分座帝師。錫號佛德。不屑也。一時尊宿高之。

松隱茂

松隱名茂。其氏族初居傳法寺。受戒於昭慶。惠聞巖泉泠泠。有省。古林笑其妄。投葦囊而悟。後住清涼。影不出山。凝塵滿席。古鼎銘謂達磨之道。賴以不墜。既逝而火天花滿空。

守貴

守貴不知何許人。居天龍寺。寒暑一衲。始見千巖。長於龍華。繼見中峰。斷崖而後。知千江一月。於是莊嚴天龍。如大伽藍。有櫝其落齒者。生五色舍利。日增。

士璋

洪僑附

士璋出家。集慶犀頂星眸。生不如葷。柳貫其經師也。除

髮杜多與天心稱爲雙壁著聲台教窮玄於無才繼三師其嗣法弟子洪僞於天目立禪得定勤脩淨業飛鳥就掌取食既坐逝呼楊越父同往安養時方平日舉家見之

慧炬不知何許人住崇壽院深明教觀江神聽戒潮不潰岸一時稱爲炬菩薩

得喜

得喜姓錢氏嘉興人童幼時依興聖權公難染及長心契禪宗越登天目山叩中峰禪師獲玄旨歸結庵北花園地鑿基得古碣刻錢喜二字中峰遂大書喜見以題其庵一時玄白俱以喜菩薩稱之至順中卜遷盤龍塘不三年遂成勝刹及卒道俗送葬者數千人火後舍利晶瑩得之者如獲至寶爭分互奪驩泣交喧或拾片骨取撮灰龔藏供禱則舍利纍纍而生至穿斲火所以求之

清珙

清珙字石室常熟人姓溫氏出家崇福寺徧遊天目至

淮陽遇二高僧，參透禪關，後請住持當湖福源，歸隱太湖。至正間，朝廷降香幣以禮之，皇后賜金襴衣，尋示寂於湖州霞霧山。詔謚佛慈慧照禪師。隆慶間，有士人發塔視之，骨皆金色，其光燭天。士人忽若有空中擊之者，立死。湖人駭異，爭醵財治塔，復瘞其骨而燭天之光始息。

盛勤

盛勤，壽陽人，姓謝氏，夙有道識，稟法於德山遠和尚。又習安定法，然頂師前有異光，上發光熄而頂畧無損，師指爲上乘法器。來遊餘杭，後居資聖，法侶數百人。一時尊爲龍象，示寂後火之，獲五色舍利，不可勝數。所著有源宗集行於世。

以假

以假字中空，麗水人，棲禪於白雲山。四方之侶聞風來赴，履滿戶外。至元丙子夏一日，援筆書偈曰：地水火風先佛記，掘地深埋第一義。一免檀那幾片柴，二免人言無舍利。跏趺儼然而化。

行元

行元字淵叟，永康人。息影觀空，覃思度世。和光混俗，人莫能測。其奇將順寂，作偈云：來亦無所從，去亦無所至。來去既如一，春風滿天地。放筆跌坐而逝。茶毘後，舍利無數。嘗贊布袋和尚云：杖肩布袋，跣足獨行。落魄落魄，忘却下生。

祖銘

祖銘字石鼎，奉化人。幼穎悟，稍長學通百氏。年十八，從橫山錫公於金峨寺得度。見元叟端禪師於靈隱，大有警發。至正七年，住徑山。四方義學咸稱慕之。有四會語錄行於世。

明

懷信

懷信字字中，姓姜氏。明之奉化人。母劉夢大星墮室中，有光如火，取而吞之，覺卽有孕。及誕，狀貌異凡兒。性凝莊，不妄動。唯見沙門至，必躍而親之。十五出家法華院，受具於五臺寺。習三乘十觀之旨，已而歎曰：教相繁多，浩如烟海，苟欲窮之，自苦耳。卽棄去，徧參名碩，語多不契。繼謁天童竺西坦公，坦一見知爲法器，厲色待之。不

與交一言信羣疑愈熾。一日上堂舉興化打克賓公案。問答有契。竺西曰。俊哉師子兒也。久之。出世明之觀音院。遷補陀洛迦山。至正壬午。升住中天竺。復請住龍翔集慶。陞座提唱。萬耳聳聽。委蛇不迫。而玄機自融。一日晨興。沐浴更衣。趺坐書偈曰。平生爲人戾。偈七十八年。漏洩。今朝撒手便行。萬里晴空片雪。書畢而瞑。壽七十八臘六十九初。天兵下金陵。僧徒皆鳥獸散去。獨信結跏宴坐。目不四顧。執兵者滿前。無不擲杖而拜。上嘗親幸寺中。聽其說法。特改龍翔爲大天界寺。寺之逋

糧在民間者。遣官爲徵之。信將終前一日。上統兵駐江陰沙洲上。當晝而寢。夢信服褐色禪衣來見。上曰。師胡爲乎來。對曰。將西歸。故告別耳。上還聞遷化。衣與夢中正同。大悅。詔出內府帛泉。助其喪事。復命堪輿賀齊叔爲卜墓地。舉龕之夕。上親致奠。送出都門之外。其寵榮近代無與同者。有五會語錄行於世。

万金

万金字西白。吳郡姚氏子。七歲。依寶積道原衍法師爲弟子。十一歲。祝髮受具戒。精研三觀十乘之旨。衍主秀

之德藏金爲綱維之職。忽喟然歎曰：名相之學畧諳之矣。盍棄之而往躋覺路乎？遂更衣入虎林，謁古鼎銘於雙徑，示以德山見龍潭語，奮迅踊躍，直觸其機。從而有契，銘俾掌記室，未幾遂分座說法。如山川出雲，靈雨沾潤，四衆信服。至正丁酉，出世蘇之瑞光會，嘉興天寧寺災。郡守貳咸曰：非師不足起其廢具，禮幣遣使力邀致之。金住未久，儼如兜率天宮，下現人世，道路過者莫不瞻禮讚歎，性尤至孝。年幼失恃，惟有母存，乃去城東一舍，築孤雲庵，迎母養之。同袍或議以非法者，金呵之曰：

爾不見編蒲陳尊宿乎？何言之易易也！洪武元年，詔住大天界寺，奏對稱旨，大悅，卽令內官送之入院，賜以天厨法饌。四年春，詔集三宗名僧十人及其徒二千，建廣薦法會於鍾山，命金總持齋事，尋以母老，舉徑山泐公自代，復還庵居。五年冬，詔復建會如四年。大駕臨幸，詔金闡揚第一義諦，自公侯以至士庶，環而聽之，無不悅服。一日，忽示門弟子曰：吾有夙因未了，必當酬之。汝等勿以世相遇我，未幾示疾，書偈委順而化，停龕六旬，始行荼毘之法，視其貌如生，數珠牙齒不壞於火，設利

羅無算觀者競取之而去。世壽四十有七。僧臘三十又

六。了真

了真，天台人。寄跡山陰諸寺中。嗜酒落魄。曳杖乞錢市中。入手卽散與貧者。冬月唯單衣。時叩冰而浴。洪武二年大旱。真閔之曰。我當乞。慈氏以法雨濟衆。隨書偈。瞑目而逝。鄉人舉龕。燔於五雲門外。甘雨隨澍。歲乃有秋。

曇噩

曇噩，字夢堂。慈溪王氏子。世業儒生。而魁岸風神洞爽。卅歲卽通經史。尤贍於詞章。鄉先生多強之舉進士。以不甘聲利棄去。初依奉化長蘆寺。剃落。後住天台國寧。又徙象之瑞龍寺。老而戒行嚴潔。文章簡古。士大夫有丐其文者。漬筆卽成。有如夙構。洪武二年。以高僧召至南京。與蔣山楚石琦禪師等說法。尋歸瑞龍東堂。居鍾樓之側。一夕颶風猛作。鍾樓廊廡俱仆。衆謂噩必不救。往視之。噩乃危坐其中。惟一巨木斜支。卧榻。人以爲異。六月六日。忽沐浴更衣。辭衆作偈曰。塊然一物。或有或無。翻身歸去。踰破毘盧。端坐合掌而逝。所著高僧傳若

千卷行於世。

白雲禪師

白雲禪師，處之麗水人。十五從禪智寺剃落，冥心入道。習定於楞伽庵，一坐輒旬日不起。越三年，携軍持出遊，徧參名宿，以證所悟。尋歸白雲。時元綱解紐，兵火四起。邑人胡深，糾合義勇，以保鄉里。嘗造庵問之曰：滅却心頭火，特來參老禪。雲曰：將軍來太早，妻伴別人，眠深怒欲刃之。雲曰：心頭火未滅，畧撥卽生烟。深媿謝。雲曰：若問前程事，古月落西川。後深奉詔提兵至福建，征陳友定，戰於西陽，兵敗爲友定所擒，不屈死之。果如其言。洪武己酉，詔起天下名僧。雲力辭，有司強起之，召對稱旨，卽辭還居。杭之虎跑，明年將歸故山，衆堅留之。雲曰：葉落歸根，吾所願。遂還白雲。五日，索筆書偈而逝。

梵琦

梵琦，字楚石，明州象山人。母夢日墮懷而生，有異僧見之，撫其頂曰：此兒佛日也。他年必當振佛法，以照耀濁世。因小字曰曇曜。九歲從海鹽天寧衲公受業，十六具戒爲大僧。因閱楞嚴，至緣見因明，暗成無見，不明自發。

則諸暗相永不能昏於此有省然於向上一着尚有滯礙元叟端和尚主徑山往叅謁問如何是言發非聲色前不物叟遽云言發非聲色前不物速道速道琦擬進語叟震威一喝琦乃錯愕而退已而應書寫大藏之選至京師崇天門一夕聞絳樓上鼓聲汗下如雨拊几笑曰徑山鼻孔今日入吾手矣因成一偈有拾得紅爐一點雪却是黃河六月水之句翻然東旋再入雙徑元叟迎謂曰西來密意喜子已得之矣遽處以第二座且言妙喜大法盡在於子有來叅叩者多命琦辯決之尋出世海鹽之福臻遂升主永祚永祚琦受經之地也爲創大寶閣範銅鑄賢劫千佛而毘盧遮那及曼殊師利普賢大悲諸像以爲圍繞復建塔婆七級崇二百四十餘尺功垂就勢將偏壓琦禱之夜乃大雨風居眠聞鬼神相語曰天寧塔偏急往救之遲明塔正如初遷杭之報國轉嘉興之本覺更構萬佛閣九楹宏偉壯麗儼如天宮下移人世又受請主報恩講席未幾退歸永祚築西齋爲終焉之計琦爲人形軀短小而神觀精朗舉明正法滂沛演迤有不知其所窮凡所蒞之處黑白嚮慕如

水歸壑。一彈指間。湧殿飛樓。上插雲際。未嘗見其有作。說者謂琦縱橫自如。應物無迹。山川出雲。雷蟠電掣。神功收歛。寂然無聲。由是內而燕齊秦楚。外而日本高麗。咸咨決心。要奔走座下。得琦片言。裝潢襲藏。不啻拱壁。可謂不媿妙喜諸孫者矣。洪武元年。徵琦說法於蔣山。上大悅。又明年秋七月。復被召。二十六日。忽索浴更衣。跣趺書偈曰。真性圓明。本無生滅。木馬夜鳴。西方日出。置筆謂噩夢堂曰。師兄。我去也。噩曰。何處去。曰。西方去。噩曰。西方有佛。東方無佛耶。琦乃震聲一喝而逝。聞維齒舌數珠不壞。有語錄二十卷。及西齋淨土詩行世。

祖闡

祖闡字仲猷。姓陳氏。慈谿人。祝髮於邑之永樂寺。年十八。機鋒峭拔。迥出流輩。每義徒辯難。輒以蒙輪獨當一隊。縱橫正倒。無非妙解。一時稱爲義虎。洪武四年。主明之天寧講席。緇素奔湊。如水歸壑。詔取天下高僧。闡與焉。尋奉使日本。卉服革心。歸蒙賜賚。一日。郡僧怒中訪之。及別。闡笑曰。可遲一日。送我明日。果合掌坐脫。

慧明

慧明字性原，姓項氏，台之黃岩人。七歲患疽，幾死，置牀上，忽不見。已而求得之，問其故，曰：項睡中，有四童子昇至此，無他也。翌日而愈。既長，不甘處俗，乃往依樂清寶冠寺。魯山東公出家，後詣徑山。叅元叟端公，端云：東嶺來，西嶺來，明指草鞋云：此是三文錢，買得端云：未。在更道，明云：某甲只恁麼，未審和尚作麼生。端云：念汝遠來，放汝三十棒。明乃悟其旨。久之，究盡底蘊，曰：纔涉思惟，皆爲剽法。既而出世，鄞之五峰。洪武五年，詔建佛會於鍾山，召高行沙門。明與季潭泐公與焉。後住靈隱，逮十寒暑，無何遭無妄之災，逮捕，或勸明早自爲計。明不顧，怡然詣所司，未鞠，卽廡下說偈，端坐而化。

輔良

輔良字用真，吳縣人，姓范氏，文正公之十葉孫也。十五受具，習天台教觀，所謂三乘十二分，研其精華，攝其微密，充然若有所契。士瞻杓公，誨之曰：教乘固當學，若沉溺不返，若入海算沙，徒自困耳。何不更衣以事禪寂乎。遂往謁笑隱訢公，訢一見，卽以法寶期之。問荅之際，棒喝兼施，弦發而箭馳，雷春而電掣，刹那之頃，凡情頓喪。

他日。訥再有所問。良發言愈厲。訥笑曰。得則得已。終居第二義也。良弗懈。叅究益勤。久之。遂契其旨。雲空川流。了無留礙。尋掌藏鑰於四明阿育山。後出世嘉興之資聖寺。陞座說法者。十三年。遷越之。天童復移杭之中天竺。時靈隱燬於兵火。請良居之力。為起廢緣事。甫周而逝。良四坐道場。舉揚大法。不務緣飾。而西來之旨。自明復。以淨土觀門。苦海舟航。兼而脩之。未嘗少怠。其所見蓋卓然云。

祖鐙

祖鐙字無盡。姓王氏。四明人。父好謙。嘗寫華嚴經五色。設利見於筆端。鐙年方幼。歎曰。般若之驗。一至於斯乎。年十四。即求出家。郡之天寧。從東白明公受具。已而日溪永公來代講席。命司藏鑰。日溪升堂。鐙出問曰。生死事大。無常迅速。乞賜指示。日溪曰。十二時中。密密叅求。忽然觸着。却來再問。鐙抗聲曰。無常迅速。生死事大。語未終。日溪便喝。鐙遽禮拜。日溪曰。見何道理。便爾作禮。鐙曰。開口便錯。日溪頷之。鐙服勤數載。復辭出。遍叅名德。以驗其所證。既得道已。思韜晦而護持之。遂結庵上。

雲精脩苦行影不出山者五十年人多化之以檀波爲
第一遂使荆棘之區變爲寶坊金碧之輝上矗天際而
諸禪林環列於其下上雲之境尤爲絕勝有以土田爲
施者鐙則辭之曰先佛以乞食爲事吾焉用此爲性尤
孝謹迎母養之山中年九十四而終衆以非沙門行讓
之鐙曰世尊尚升忉利天爲母說法我何人斯敢忘所
自洪武己酉春忽示微疾作書別諸同道夜半顧左右
曰天向明乎對曰未也或曰和尚正當此際何如鐙破
顏微笑曰昔古德坐疾有問者云還有不病者乎古德
云有又問云何物是不病者古德云阿爺阿爺鐙旣舉
此語良久又曰如此喚做病得否衆皆無言鐙大聲唱
日色身無常早求證悟時至吾將去矣侍者執紙乞偈
鐙曰無偈便未可死耶侍者請益堅乃書生滅與去來
本是如來藏機例五須彌廓然無背向投筆端坐而逝
壽七十八臘五十七火化異香襲人所獲舍利不可數
計

慧曇

慧曇字覺原天台人母夢明月自天而墜取而吞之遂

以有娠及生容貌嶷然長不與羣兒狎每入塔廟輒對法王瞻禮弱齒出家法果寺十六爲大僧初受具學毗尼忽拊髀歎曰毗尼之嚴科文之繁固吾佛祖方便示人若欲截斷衆流一超直入非禪波羅密曷由致之時廣智笑隱訢公說法於中天竺曇徃謁之備陳求道之切笑隱斥曰從外入者決非家珍道在自已奚向人求曇遂凝然獨坐一室久之未有所入笑隱一日舉百丈野狐語曇大悟曰佛法落我手矣只爲分明極翻成所得遲笑隱曰爾見何道理敢爾大言耶曇展兩手曰不直一文錢笑隱領之乃命侍香久之出世牛頭山之祖堂又遷住清涼之廣惠復徙保寧王師定建業曇謁

上於轅門

上見曇氣宇異常歎曰此福德僧也命主

蔣山太平興國禪寺踰年賜改龍翔爲大天界寺詔曇主之每設廣薦法會曇必陞座舉宣秘要車駕親率羣臣臨幸恩遇優洽遠邇學徒聞風奔赴堂筵至無所容洪武元年開善世院秩視從二品特授曇演梵善世利國崇教大禪師住持大天界寺統諸山釋教事頒降誥命俾服紫方袍章縫之士以釋氏爲世蝨請滅除之

上以其章示曇曇曰孔子以佛為西方聖人以此知真儒必不非釋非釋必非真儒矣上亦以佛之功陰翊王度却不聽三年庚戌夏奉使西域合刺國宣布天子威德國王甚喜館於佛山寺待以師禮尋示微疾沐浴更衣呼左右謂曰予不能復命矣跏趺端坐而逝踰五日顏貌如生王大敬歎斲香為棺聚香代薪築壇而茶毘之拾靈骨附葬於其國之舍利塔中七年甲寅秋九月同門友宗泐奉遺衣藏於南京聚寶山雨華臺之側

智順

智順字逆川溫之瑞安陳氏子智者大師之後身也七歲離俗稍長受具足戒年十八習法華經歷三月通誦其文復依橫雲岳法師受三觀十乘之旨忽慨然歎曰義學雖益多聞難禦生死卽禦生死舍自性將奚明哉遂更衣入禪走闔謁天寶山鐵關樞公未蒙印可順壁立萬仞無所回撓雖晝夜明暗亦不能辨踰月因如廁便旋覩中園匏瓜觸發妙机四體輕清如新浴出室一毛孔皆出光明目前大地倏爾平沉喜幸之極亟走

上方舉所悟求證。樞曰：此第入門耳。最上一乘，則邈在萬里外也。乃囑之曰：汝可悉棄前解，專於叅提上致力。則自入閫奧矣。順從其言，踰五閱月。一日將晚，叅擬離禪榻，忽豁然有省。如虛空玲瓏，不可奏泊。厲聲告樞曰：南泉敗闕，今已見矣。樞曰：不是心，不是佛，不是物，是何物。順曰：地上磚鋪屋上瓦覆。樞曰：卽今南泉在何處。順曰：鷄子過新羅。樞曰：錯。順亦曰：錯。樞曰：錯。錯。順遽作禮一拜而退。明日，樞披大衣，鳴鼓集四衆，再行勘驗。順笑曰：未吐辭前，已不相涉。和尚眼目何在。又爲此一場戲。

刺耶。樞曰：要使大衆皆知之耳。遂將宗門諸語，一一訊之。順一一具荅。樞可之。復囑曰：善自護持，勿輕泄也。遂令分座說法。忽爾棄去。過杉關，抵百丈。上迦葉峰，渡江入淮，禮諸祖之塔。經建業，廻浙中。超然如野雀孤雲，無所留碍。尋返永嘉，住瑞安大龍山報恩講席。未幾，東甌內附。順潛居林下。若將終身焉。洪武初，尊尚佛乘。召江南高行僧十人，於鍾山建無遮法會。順與其選。每陞座演說，聽者數千人。大駕幸臨，慰問備至。號爲一時寵遇。尋請住湖南淨慈，復應召至南京。僅四閱月，沐浴

更衣書偈而逝。實洪武六年八月二十日也。宋太史景濂銘其塔，系之以論曰：大雄氏之道，不卽世間，不離世間，烏可岐而二之？我心空邪，則凡世間諸相高下，洪纖動靜浮沉，無非自妙性光中發現。苟爲不然，雖法王所說經教，與夫諸祖印心密旨，皆爲障礙矣。嗚呼！道喪人亾，埃風渺瀰，焉得理事不二，有無雙泯者，相與論斯事哉？師自得道之後，坐紫檀座，旣已說法度人，出其餘力，徃徃莊嚴塔廟，使人爲遠罪遷善之歸，斯蓋近之矣。或者不知，專委爲人天有漏之因，夫豈可哉！夫豈可哉！

又自緣

自緣，姓陳氏，台之臨海人。生而氣骨不凡，儻然有出塵之趣。每入招提，見像變梵筵，必胡跪合爪作皈依狀，稍長，從四明白雲觀公爲弟子。十七薙髮，受具足戒，趺坐一室，日以縛禪爲事。已而還台，謁天寧日溪泳公，泳一見以爲法器，命執巾瓶，尋陞掌鑰，泳遷住杭之淨慈，緣從其行，淨慈居五山之列，號大叢林，四方龍像咸來棲止，緣自是咨決心要，乃漸息羣念，以至於無念。而父母俱耄，獨繫念不去，乃辭師歸省，道經臨海，日已向暮，悲

風號林莽間，緣遑遑急走，欲求憩泊之所，了不可得。夜行十餘里，乃逢逆旅，破屋半間，不蔽風雨。緣竟夕不能寐，明發指天自誓曰：「所不能結團蕉以棲行脚者，有如日，遂一力新古妙相寺，廠其西偏，以爲客寮，具牀几，設衾褥，下至庖厨溷涌之屬，罔不潔楚。於是餐玄味道之士，或驅一笠，或携半瓢，往來其地者，莫不于焉寢息，于焉食飲，各厭所欲，而後去。緣猶以爲未足也，復儉衣削食，改桃源橋圓通閣，爲華嚴寶閣。月集善士，閱華嚴經，又於橋南築彌陀閣，像淨王十六觀相。閣道行空，朱甍耀日，儼然如天宮之現人世也。事聞於朝，授金襴法衣，賜號曰佛心普濟禪師。緣旣受命，復自念曰：「上之恩侈矣，顧屢居雜遝，塵氛襲人，無以稱清淨宏麗之觀。復於縣北五里，大橋之陽，建報恩禪院一區，朝夕帥其徒，以祝釐報上爲務。由是兩地之間，鐘魚互答，未幾而王師下台，三閣與寺皆燬於兵火。緣真然傷心，又以興復爲已任，持鉢行化，聚落中，隨其地建華嚴傳經之會，演說因果，屠沽爲之易業。於是施者四集，緣仍於桃源夾堤，悉甃以石，建傑閣三楹，間命工瘞佛菩薩天神諸像。

畢工未久而緣已厭世一日索浴更衣呼筆書偈而逝時洪武戊申三月某日也壽五十九臘四十二龕留七日顏貌如生茶毘得舍利無算其上首祖溢奉靈骨瘞於寺之西偏而太史宋景濂銘其塔論曰予聞華嚴有四種法界其三曰事理無礙所謂事理無礙者在有而不廢無雖動而不離靜譬如水與波焉真空不礙幻有卽水以辨波幻有不礙真空卽波以明水緣生假有二相雙存者也師今熾然建立雖若墮事爲而能無所染着竟全真理其有得於華嚴者與

普仁

普仁字德隱姓趙氏婺之蘭谿人年十歲依寶石演法院月公出家俾習東魯西竺之書性爽朗過目輒解義趣十四祝髮受具足戒卽慨然有求道之志危坐達旦期息妄緣隨謁了然義公契机言下自是聲稱籍籍雙徑爲江南諸寺之最時南楚說公主講延仁分座及說公遷化古鼎銘公來補其處益相欽重分座如故而仁不敢自足也聞月江印公住育王雲外岫公居天童亟走四明見之相與辯詰無虛日徵以宗門机緣大而沙

界小而毫芒無不收攝已還浙西相羊於山水間日與
達人勝士激揚正法旁及於辭章者惟覺隱誠公笑隱
訢公最密風簷月牖語蟬連不能休至忘寢食元至正
末始遷寶石山中尋出世金華西峰淨土禪寺時天下
大亂仁知事不可爲鳴鼓而退戊戌太祖皇帝親率
六師取婺州己亥春幸智者院見其山川深秀而法席
尚虛特詔仁主之一坐十五夏甲寅請住淨慈開筵之
日黑白環聽者數千人各挹深飲醇歎詠而去明年以
秘書之誣被逮京師忽示微疾端坐而逝世壽六十有
四僧臘五十仁風旨孤峭不樂與非類狎逢學行之士
輒敬之如賓師縱無儋石儲亦必久留不厭故縉紳服
其偉度樂與過從如王御史叔善胡教授仲伸二公名
德重當世尤與仁爲金石交善談論終日不倦玉貫珠
聯纒纒絕可聽尤好汲引後生隨資誘掖克抵於成有
三會語錄若干卷行世

智及

智及字以中姓顧氏吳縣人生而靈夢發祥及入海雲
院爲童子智光日顯釋典與儒書並進登年具戒聞賢

首家講法界觀，往聽之，未及終章，筦爾而笑曰：「眞法界圓同太虛，但涉言辭，便同剗法。縱獲天雨寶華於我，何益哉！」遂走建業，見廣智訢公。訢公以文章道德，傾動一世。如張文穆起巖，張潞公翥危左丞，素皆與之游。以聲詩唱酬爲樂，及微露文彩，珠潔璧光，訢與羣公見之，大驚，交相延譽，唯恐後。同道有訶之者，曰：「子才俊爽，若是不思，負荷正法，甘作詩騷奴僕乎？」無盡燈燭，所謂苦葉飄飄者，不知作何見解。及舌禁不能答，卽歸海雲，曾中如礙，巨石目不交睫者，踰月忽見秋葉吹墜於庭，豁然有省。机用洞明，觸目無障，乃逍遙曳杖游於虎林，升雙徑，謁寂照端公，端勘辨之，及随机響答，如隼落秋空，而兔走荒原也。精神參會，不間一髮，遂主藏室，取三乘十二分教，益溫繹之宗，通說貫滾滾，如懸江河，聲光燁燁，頓出諸老上。至正初，始出世昌國之隆教，海濱之民，暨清淨四衆，手持香花，百里驩迎，如見諸佛。及爲陞座，普說法味，聞者莫不厭飫而去，尋主杭之淨慈，復請住持徑山，補寂照故處。四方風動，奔湊猊座，禮足求法者，日以千計。洪武癸丑，詔有道浮屠十人，集京師，大天

界寺而及實居首乙卯賜還穹窿山山卽海雲所在也未幾示疾索筆書偈而化九日行茶毘法火燄化成五色有氣襲人如沈香齒牙數珠不壞靈骨紺澤如青琉璃色室利羅交綴於上世壽六十八年爲僧五十一夏

惟則

惟則字天真姓費氏其先吳興人父君澤母潘氏夜夢異僧分衛覺而有娠及旦異香襲人因名僧寶父卒隨母適秦川潏上髫年出家祐福從高林壽公爲師十六受具游方徧參名宿緣多不契久之走匡廬謁無極源禪師亦無啓發後值源於廨上乃趨問云如何是祖師西來意忽被源擒住云道道則於言下釋然頓悟但搖手而已源曰子有所得耶則疾荅之云何得之有源又云子作道理耶則拂袖而出自是机辯瀾翻有不可嬰之鋒遂服勤月餘日益玄奧諸方聞而畏服之靈隱平山林公招致俾掌藏鑰後出世海門祐福禪院千指圍繞道價日振洪武初徵天下高僧赴京師天界住持白庵金公首以則名薦俄辭歸海上癸酉仲春示微疾一日侵辰告衆曰吾去矣侍者乞偈則厲聲曰平常說底

不是耶。遂瞑目而逝。茶毘之餘，獲舍利無算，頂骨、牙齒、舌根，不壞。閱世七十有一，坐夏五十有八。

懷涓

懷涓字清遠，南昌魏氏子。稚齒出家，登年受具，博綜內外經典，不煩師授，而知解日勝。形諸篇翰，如千葩競放，錦麗霞張，而不見春風煦嫗之迹。時其舅全悟禪師，以大中大夫住持集慶大龍翔寺，聞之喜曰：「此吾宗千里駒也。」遂留之座下。一日，全悟警厲諸弟子，衆未有對。涓直前肆言，如摩空俊鶻，目無留影。全悟振威叱之，衆爲駭汗。涓神氣不懾，徵詰再三，無不應机。摧破全悟筦爾，而笑曰：「汝可與入室矣。」命爲記室。全悟瀕沒，呼涓而囑之曰：「吾據師位者四十年，接人不爲不多矣。能弘大慧之道，使不墜者，唯汝與宗泐爾。汝其勉之。」未幾，出世會稽之寶相，又遷杭之報國，轉湖之道場。雖當兵燹，相仍之際，爲法求人不少。退轉洪武初，請主淨慈講席。會儀曹奉詔，設無遮大會於鍾山。兩浙名僧咸集。涓一至京，師卽退居錢塘之梁渚。梁渚乃全悟藏爪髮之地。問道者接踵而至，不減住山時。久之，無疾坐脫。踰七日，火化。

得不壞者三日。齒牙曰鉢塞。莫日室利羅。世壽五十有九。僧臘四十。有四會語錄。并詩文外集。凡若干卷。不待結集而盛行於時。涓軀分短小。而神宇超朗。終身持誦金剛般若經。未嘗虛日。報國入院。季秋而山丹發花一枝。五莖如佛手。然淨慈行化時。有陳氏婦。預夢神僧臨其門。及涓至。稽首作禮。願爲尼以相依。涓語以法要。其婦恍若有悟。言下坐逝。元末兵起。悍卒入室求金。涓瞋目訶之曰。吾浮屠寧有是物哉。卒怒拔刀擬之。涓引頸受刃。卒歎息而去。太史宋景濂論之曰。世間萬事皆可僞。惟死生之際不可僞。有若清遠。凡夫俗子。孰不以文辭僧目之。及其亾也。三事不壞。光明熾盛。驚動一世。非有證入毘盧性海。寧有是靈驗哉。大慧以來。累葉相承。蓋亦如是而已。

大同

大司字一雲。越之上虞人。姓王氏。出家會稽之崇勝寺。鬚落。受菩薩戒。會春谷講經。景德同往。依之。獲授五教儀玄談二書。又謁懷古肇師。受四種法界觀。懷古春谷皆東山大弟子。深於華嚴學者也。同天分既高。又加精。

進凡清涼一家疏章悉攝其會通而領其樞要義趣消融智光發現識者心服之而同不以自足也亟出錢塘謁佛智熙禪師於慧日峰下舉舊所記憶者一切棄絕惟存孤明炯炯自照如是者閱六寒暑乃上天目禮普應本禪師言下契合同將久留普應曰賢首宗日遠日微矣子之識量足以張大之母久淹於此爲贊清涼像而遣之同喜曰吾今始知萬法皆本一心不識孰爲禪那孰爲教乘內外自此空矣亟還寶林見春谷且告之故春谷肯之乃命分座當時相從者皆法中龍象同爲指授雜華玄門會元統宗必極其旨趣而後已尋出世蕭山淨土寺同自念圭峰以來纍葉相承其間或絕或續繫執法者之賢否遂發弘誓力持大法晨講夕演雖極勞勩弗懈也天曆初選住景德尋改寶林寶林清涼肄業之地也乃倣終南草堂故事建高齋闢幽舍招徠俊乂浙東西莫不擔簦躡屩爭集輪下元末大亂退處贍博迦室年及八十矣皇明御極四海更化設無遮大會於鍾山名浮屠咸應詔集闕下入見於武樓獨免同拜跪之禮且命善世院護視之次日復召

見問佛法大意，賜食禁中，及還，有白金之賜，明年示疾，書偈端坐而斃，世壽八十一。僧臘六十五。嗚呼！賢首宗不振久矣，凜乎若九鼎之懸一絲，同獨能掌持震耀，使孤宗植立於十餘傳之後，凡五十年，非賢者其能若是乎。

法衡

法衡字永平，象山徐氏子。自白巖智門寺剃落，博覽經教，主寺慧和尚重其人，俾掌庫鑰，固辭，乃於寺南松林結茆以居。脩天台止觀，一定輒數日不起，能以善導人，咸尊禮之。洪武十年，碩儒單仲友以使事止僧舍，忽問衡如何，是介子納須彌。衡遽荅曰：先生讀五車書，今在何處，單大駭，不覺汗下。由是著名。久之，以微疾坐脫。火後，於灰燼中得舍利子，光明瑩徹，狀如冰雪者，無算。觀者歎異，競捨之，以爲供養。頃刻都盡。

元瀟

元瀟字天鏡，姓倪氏，會稽人。童子出家，從弘教大法師於大報恩寺，祝髮受戒，嶷然有遠志。走虎林，謁大岸濟法師，濟爲析三千性具之義，及四明孤山同異之辨，波

瀾浩蕩廉陞高嚴。瀨能一一領解。復棄去。謁元叟。端禪師於徑山。纔入門。叟厲聲一喝。瀨若聞雷霆聲。黏縛一時。都解。遽稽首作禮。叟曰。汝何所見。而遽如是。復詰責數四。應機響答。皆愜叟意。叟不覺色喜。顧左右曰。是般若位中人也。遂錄爲弟子。命歸侍司。尋遷掌記室。至正十六年。始出世。會稽之長慶。久之。陞天衣之萬壽。四方問道者。聞風來歸。瀨以氣衰。倦於將迎。營精舍一區。名曰和塔。將終老焉。元亡。皇明龍興。召天下名彙。門建會鍾阜。升濟幽明。輪番說戒。瀨與上竺東溟日公。五臺壁峰金公。特被召入內庭。從容問道。賜食而退。已辭歸和塔。時靈隱久虛講席。四衆和會。請瀨主之。未期年。而被崇德之誣。謫戍陝西。行至寶應。夜宿寧國禪寺。謂從者曰。吾四體稍覺異常。報身殆將盡乎。明旦忽端坐合掌。連稱無量壽佛者三。泊然而化。實洪武十一年正月十九日也。從者乃焚其骨而還。骨間舍利。藜布如珠。縣大夫與縉紳之流來觀。皆歎息而去。瀨凡三主名山。起廢補壞。具有成績。壽六十七。臘五十三。會語有錄二卷。詩文曰樸國集。行於時。

悟光

悟光字公實，姓楊氏，成都之新都人。以三昧力入智慧海，初說法於白馬寺，已而住育王天童。四會說法，虞文靖公贊謂佛果一枝鳳毛麟角。洪武十四年坐脫。

克諧

克諧字古音，天台奚氏子。幼端愿，穎秀八歲學語，孟諸書過目輒成誦。十五捨父母出家，往依上虞法果寺僧曇郁得度。又走婺之雙林，見南翁凱公，詢咨道要於頓漸偏圓等名相，靡不淹貫。洪武中，成祖居潛邸，召闡

佛法大意，受賜南還。辛巳十一月三日，無病宴坐而化。闡維設利五色，森綴靈骨，纍纍如珠，人咸目為古佛出世云。

溥洽

溥洽字南洲，姓陸氏，宋寶章閣游之後。世居會稽之山陰，少出家普濟禮雪庭裕公為師。後得法具庵玘公出世主孤山瑪瑙講寺。時全室泐公奉詔註楞伽金剛經，洽與其選訓釋考訂之功居多。移住蘇之北禪，學徒雲集，洽為開演五時八教如來一代施化之儀，聞者無不

心生歡喜居六年遷杭之天竺蘇之學徒從往者甚衆
乃循慈雲故事建金光明護國期懺七晝夜爲衆講貫
無虛日太祖皇帝聞其賢召爲僧錄司右兼主天禧
法席玉音褒諭有通東魯之書博西來之意之語蓋
知之爲深云無何而靖難兵起爲建文君設藥師燈
懺詛呪長陵及金川門啟又爲建文君削髮脫緇衣
衣之俾遜去長陵卽住微聞其事囚洽於獄者十餘
年初洽說法北禪時以文名與榮國衍公競爽交甚厚
也及榮國以靖難功位太子少師貴盛矣然念洽囚無
已時榮國有疾將化之前一日太宗皇帝親臨視之
問所欲言言願赦溥洽太宗從之釋其獄時白髮長
數寸覆額矣走大興隆寺拜榮國床下曰吾餘生少師
賜也仁宗復其官命居慶壽寺松陰精舍以自佚乞
還南都大報恩寺以終老給驛舟遣中官護送明年宣
德改元七月廿有八日忽示微疾索筆書偈曰清淨自
在中還得如是住一切大安樂清淨自在住遂化世壽
八十有一僧臘六十有九嘗有問師壽幾何曰不過九
九耳有日供畦蔬者一日師勞之曰勤爾久矣更用盡

卷之八
四十一
七月至是皆驗。所著有金剛經註解附錄二卷。應制及與名人唱和詩若干卷。國家建法會。一切科儀文字。皆師所定。以貽範於後世云。

若愚

若愚嘉興人。初投青鎮寶閣寺爲僧。精脩苦行。洞明宗乘。嘗於靜夜演說妙理。天燈羣集。人咸異之。四方義學聞風。全集無不飽餐法味而去。永樂庚辰夏。辭衆說偈。跌坐而逝。火後得五色舍利羅無算。世尊爲鎮庵祖師。

文沼

文沼字天鏡。慈谿孫氏子。幼誦儒書。有如夙習。心厭塵縛。遂離俗出家。究心宗乘。法門稱爲龍象。洪武中。興廢北山寺。開筵說法。四方雲集。永樂初。以高僧應召。纂脩內典。會建龍華爲之上首。七年。仍歸北山。依白蓮故事。與一時文儒。碩彥。結集成社。一日忽囑其徒。辰省日。世緣已盡。吾將歸去。爾輩精進。宜以弘法爲念。言畢。沐浴更衣。口誦法華經。合掌趺坐而逝。

景隆

景隆字祖庭。姑蘇洞庭鼇山陳氏子。幼不如葷。日趺坐。

若禪定永樂壬辰從弁山白蓮懶雲和尚受學叅禪湖
 海禪伯若古拙和尚輩莫不叅叩雖在家居研究不替
 庚子出家虎丘執巾瓶為石庵和尚侍者宣德二年從
 昭慶寺受戒時石庵開講靈隱隆遂為上座七年往天
 目山禮高峰祖塔憇錫一載剋苦叅究忽有省因造懶
 雲剖露雲印可之懶雲臨濟下二十四世也隆所著有
 空谷集三十卷心宗洞達机鋒峻利儒釋通貫事理交
 融大理卿吳公誌之隆年五十二時自作塔銘於武林
 西湖之脩吉山院名正傳有正傳十二咏詩在集中

季善

季善姓吳氏祖貫鳳陽人隨父任生於廣東之雷陽稚
 小以佛事為見戲十七歲出家初投源明和尚請益示
 以無字公案一朝聞鐘聲有省忽說偈曰沉沉寂寂絕
 施為觸着無端吼似雷動地一聲消息盡髑髏粉碎夢
 初回次見蒙隱次見楚山次見月溪溪印可之從前打
 七掩關曉夜無怠歷盡百倍苦功乃得大徹復蒙古庭
 重授衣拂一以弘法為任天順庚辰趙氏建西湖三塔
 寺請善開山繼興天目昭明繼興吳山寶蓮繼興南山

甘露成化庚子掩關石屋寺壬寅慈雲嶺有山曰登雲寺曰天真僧宗綱請善興建事竣卽掩關杜人事涵養淘汰有四十餘年祇掩關之句示寂後門人悟深戒新輩輯其言論行實名昭明甘露天真三會語要錄行世

雪庭

雪庭一號梅雪隱人世居杭之仁和族姓桂氏毀齒喪父患痘風得目疾因求出家十五尋師惟益邪解頃聞四川休休翁說法仙林以禮叅請一見契合受持無字公案十七剃染日夜研究滯沉寂之境座元勉以看教因閱楞嚴至一毫端現寶王刹有疑後在江陰乾明寺忽覩萬佛閣金碧崢嶸於眉宇間會得毫端現刹之句始知幻寄兩間如夢如旅弘治改元除夕忽聞鐘聲數年行履驀然活脫信口道圓響心非聞大千同一照抹過上頭關更不存玄妙乙卯又隨休休翁於淨慈寺日逐詢究始蒙印可所著有請益警進拈古頌古擬寒山和永明詩偈等凡二十卷號幻寄集其自贊曰幻卽寄之踪寄乃幻之跡幻起寄亾全寄是幻幻逐寄生全幻是寄翳目生華山河大地華翳不生空真實際幻之寄

之誠哉見戲

成權

成權，嶧人，坐卧一繩牀數十年，日誦蓮華經不輟。一日，牀前忽湧蓮花一樹。

正虛

正虛，新昌人，居南巖寺，言動不恒，有似顛者。時或露宿，一日囑其徒曰：我將化，可作一龕，衆無信者。至期，忽有一老人，偃偻而來，引之入龕，焚香，置正虛胷間，遂朗誦法華經至第七卷，口中忽生烟，身漸成燼，惟餘衣履數

珠不燬。老人忽不見，灰中得舍利羅無數。今坐化臺尚存。

潘頭陀

潘頭陀，鄞之象山人，年二十，好屠宰。一旦悔悟，投刀出家，入天台，剃落，浪遊湖海，徧參名宿，得道而歸，說法等慈。從者甚衆。一日曳杖經行，遇一老嫗，浣衣溪上，見頭陀來，諦視良久，乃曰：此非昔日潘屠乎？屠刀安在？潘俛首作偈曰：人說歸家好，歸家心不寧。溪邊老婆子，猶說舊時名。乃負父母棺歸山中，合掌誦經，忽口中火出，與

兩棺同化。後數年，有人見頭陀於他方者。

智明

智明號月溪，姓楊氏，杭之湯鎮人。出家於東山壽聖寺。復從南山演福圓照才法師受業，深究天台性具之學。復於城東結庵，堅脩淨業。緇白皈依，年七十二，書偈而化。建塔曰慧照。

至剛

至剛姓陳氏，溫之瑞安人。其父與江心寺妙慧善慧脩淨土業，晚歸篋管山。去剛家甚邇，慧嘗勸人念法華經。

故剛父亦持是經，相與往來甚密。一日慧來語曰：吾當以翌日午謝世，公宜送我。至期果坐去。一隣女夢慧曰：吾已託生陳家，眉有白毫者，是其驗也。及生，果見白毫垂兩眉間。五歲聞父誦法華普門品，卽能習之。十二從福聖寺亮月庭削染受具，尋舉爲開元寺都講。挾摠精微，討窮秘義，一時稱爲義虎。首住平陽之東林樹幢，說法學徒，全集陞住開元，振舉宗綱，脩繕廢墜，集摩訶大目犍連懺文，刊以傳世。後舉領江心禪寺，聲聞有加於昔，以高壽終。

普明

普明字寂照嘉興人初投妙常庵薙染受具日誦法華經不輟後居古杭山中每靜坐蛇鼠鳥雀皆嬉遊於前客至叩門飛走不及輒納諸懷以衣覆之客去則復出一病者詣之摩其項風患頓除遂委身為弟子一日語之曰我五月十八日逝矣弟子以五月非法更訂八月遂歸嘉善屆期弟子來送明方掃地語之曰汝不來吾幾忘矣遂鳴鐘集衆作偈曰這箇老漢全無思算禪不會叅經不會看生平百拙無能晦跡青松巖畔靜如磐石泰山動若轟雷掣電遂端坐而化舉龕茶毘火光五色異香竟夕舌根不壞扣之有聲過旬日人猶見之古杭

佛進

佛進曠人日念彌陀無頃刻去口如是者數十年一日別大衆示滅度期人笑以為狂頃之持一鉢出乞米數升以歸屆期衆視之跌坐如常曰俟觀音大士至吾便去矣衆益大笑日亭午忽有以觀音像來捨者進遂以所乞米設齋禮像畢復攝衣坐衆環視之笑猶未已也

見雙目漸垂，鼻中若無呼吸者。迴視之，逝矣。衆大駭，以爲神。緇素聞之，爭執香花作禮。颺舉雲空，山谷爲滿。停龕旬日，始就火浴。五色舍利粲然，衆競拾之，以爲供養。頃刻灰燼俱盡。入矣。以爲神。一檢出米幾
寶安，入日念願，則無取。後去口，收去香幾十。一日
寶安，姓夏氏，蘇州人。深明宗旨，對人笑談，無非般若。住嘉興精嚴寺，親運土石，作五臺山立五臺院。時僧臘八十餘矣，身不衣絲縷，寢卧亂草中。化後，肉身不壞，闍維時空中忽現祥雲，有白雀飛舞。

道涓

道涓，處之龍泉人，駐錫鰲峰崇因禪寺。戒律精苦，忘身荷法。一鉢之外，無長物。乞食分衛，七十年如一日。景泰庚午正月二十八日，辭別鄉里，歸山告衆，端坐雷音堂。索筆書偈云：我觀世間八十一，一卽是三三，三卽一團團。爍破去來踪，白日虛空轟霹靂。擲筆而逝，鼻垂雙箸，瑩然如玉。時年蓋八十一云。

普智

普智，海寧人，姓葉氏。生而敏悟，聞法便了。出家於本邑。

華嚴院，徧游湖海，參禮希古尚法師，傳賢首教。孜孜在道，未嘗少怠。七十有三，坐脫。茶毘後，齒牙不壞。建塔安國寺之東。

宋解

宋解，姓王氏，海鹽人。幼聰慧，十一歲從硤石廣福寺僧弘道出家。二十一受具，雲遊參海門天真和尚，舉狗子無佛性語。言下大悟，辭歸說法，提唱深得圭峰之奧旨。後不知所終。

株宏

株宏，字佛慧，別號蓮池，志西歸也。姓沈氏，古杭仁和人。少補邑庠，試輒冠軍，視取科第猶掇蝟。願志在出世，恒書生死事大四字於案頭。年三十一，父母相繼死，因涕泣曰：親恩罔極，正吾報答時也。乃作二筆勾詞，竟投西山無門洞，性天理和尚祝髮。從昭慶無塵玉律師受具。卽單瓢隻杖，遊諸方，徧參知識。北遊五臺，感文殊放光。至伏牛，隨衆煉魔。入京師，參徧融笑巖二大老，皆有開發。過東昌，忽有悟，作偈曰：二十年前事可疑，三千里外遇何奇。焚香擲戟，渾如夢魔佛空爭。是與非，遂歸越中。

多禪期與會者五終不知隣單姓字隆慶辛未乞食梵
村見雲棲山水幽寂遂有終焉之志雲棲故伏虎禪師
刹也居士陳如玉輩爲結茆三楹以居之宏吊影寒巖
嘗絕糧七日惟倚壁危坐而已村舊多虎環山四十里
歲傷不下數十人村民最苦之宏發悲懇爲諷經施食
虎患遂息歲大旱村民乞禱雨曰吾但知念佛無他術
也民強之不得已出山乃擊木魚循田念佛足之所至
大雨隨澍民大喜以爲竒因相與纍纍然肩材木荷畚
甬競發其地得碣磈而指之曰此雲棲故物也師福吾
村吾輩願鼎新之以爲報不日成闌若然外無崇門中
無大殿惟禪堂安僧法堂奉經像餘取蔽風雨耳自是
道聲大振海內衲子歸心遂成叢林宏慨然歎曰末法
教網滅裂禪道不明衆生業深垢重以醍醐而貯穢器
吾甚懼之且佛設三學以化羣生戒爲基本基本不立
定慧何依思欲利導必固本根第一國制南北戒壇久
禁不行予卽欲舉頽綱而一振之亦何敢上違憲令乎
遂令衆半月誦梵網經及比丘諸戒品由是歸者益衆
宏以精嚴戒律爲第一行著沙彌要略具戒便蒙梵網

經疏發隱以發明之初宏發足操方從參究念佛得力至是又開淨土一門普攝三根極力主張乃註彌陀疏鈔十餘萬言融會事理指歸唯心又謂從來參究禪宗最極精銳者無如高峰其次則匡山永明遂并三錄而一之更錄古德機緣中喫緊語編之曰禪關策進以示參究之訣蓋顯禪淨雙脩不出一心而宏之化權微矣淨慈性蓮請講圓覺經環聽者日數萬指如屏百匝台州王侍郎宗沐因問夜來老鼠唧唧說盡一部華嚴經宏云貓兒突出時如何王無語宏自代云走却法師留下講案又說頌曰老鼠唧唧華嚴歷歷奇哉王侍郎鄰被畜生惑猶見突出畫堂前床頭說法無消息無消息大方廣佛華嚴經世主妙嚴品第一宏道價日增四方衲子全至宏雖一以慈接而清規更肅衆有通堂若精進若老病若十方各別有堂百執事各有寮一一具鎖鑰啟閉以時各有警策語依期宣說夜有巡警擊板念佛聲傳山谷布薩羯磨舉功過行賞罰以進退人凜若冰霜威如斧鉞卽佛住祇洹尚有六羣擾衆此中無一敢諍而故犯者雖非盡百丈繩規而適時救弊古來叢

林未有如斯之清肅也。極意戒殺放生。著支久行於世。海內多尊奉之。城內外放生池。歲費計百餘金。山中設放生所。其救贖飛走諸生物。充牣於中。衆僧減口以養之。亦有警策語守者。依期往宣。白卽羽族善鳴噪者。聞木魚聲。悉寂然而聽。宣罷卽鼓翅喧鳴。見聞者無不歎異。海內賢豪聞名感化者。若大司馬宋公應昌、太宰陸公光祖、宮諭張公元怍、大司成馮公夢禎、陶公望齡。并一時諸縉紳先生。次第及門問道者。以百計。皆叩關擊節。徵寃大事。至監司守相下車就語。侃侃無少屈。諸賢豪恭叅者。無加禮。無異饌。皆甘糲飯。卧敗席。任蜥緣蚊。嘍無改容。忘形屈勢。至者無不空其所有。非精誠感物。何能若是。上慈聖皇太后。崇重三寶。域內名僧靡不供養。一日偶見宏放生文。極口讚歎。乃遣內侍賫紫袈裟降香問法。宏拜受。以偈荅之。語載別錄。宏天性樸實。簡淡無緣飾。虛懷應物。而守若嚴城。善藏其用。而文理密察。經濟弘纖。不遺針芥。卽畫叢林。日用量施。利酌厚薄。粒米莖菜。無虛費。居常數千指。不設化主。聽其自至。稍有盈餘。輒散捨諸山。庫無儲畜。生平惜福。嘗著三

十二條自警。垂老自浣濯。出溺器亦不煩侍者。終身一衲。一麻帷。乃丁母艱。時物今尚存。他可知已。總宏之操。履以平等。大悲攝化。一時非佛言。不言非佛行。不行非佛事。不作佛囑。末世護持正法者。依四安樂行。宏實以之。歷觀從上諸祖。單提正令。未必盡脩萬行。若夫卽萬行以彰一心。卽塵勞而見佛性者。古今惟永明與宏二人而已。將示寂半月前。入城別諸弟子。以及故舊。但曰。吾將他往矣。人皆莫測。還山連下堂。命具茶湯設供。與衆話別云。此處吾不住。今將他往。至七月朔。入堂端坐。囑大衆以精嚴戒律。負荷大法。爲事遂作三。可惜十可歎。以警衆。次夜入丈室。示微疾。瞑目無語。城中諸弟子聞之。奔至圍繞。宏復開目云。大衆老實念佛。母捏怪。母壞我規矩。衆問誰可主叢林者。宏曰。解行雙脩者。又問目前宏曰。姑依戒次言訖。西向念佛。嗒然而化。世壽八十有一。僧臘五十。所著除經疏外。餘雜錄如竹窓三筆等。二十餘種。行於世。率皆警發語。宏素戒弟子貴真脩。勿顯異。故多靈異。不具載。

如榮

如榮字大賢，姓金氏，海寧人。幼力田壯事，屠沽忽爲豕所嚙，因大感悟，出家邑之北寺。旣而曰：此非吾所宜居，聞雲棲蓮池爲當今導師，吾將歸老焉。憊然來歸，時年已六十矣。乃晝作諸務，夜雖行僧堂中，勤懇不自休。或止之，則曰：吾惡能以無德受賢者之供，家人來勸之歸，則大詬不許。曰：吾又惡能以恩愛故離賢者之佳會。萬曆九年，初度具飯，飯僧長跪佛前，厲聲呼願生西方者三，俄有疾，衆環之念佛，大喜稱善，合掌吉祥而逝。

如通

如通字易庵，陳留人，姓杭氏。母潘夢梵僧投宿而媿，童時母囑曰：汝長成當勤心學道，化利人天。母歿先志，年十五遂投抗塢山三德寺，薙落會萬松法師講經于寺。見而噐之，遂携歸徑山，誨以萬法歸一之語，勉令參究。久之有省，一日萬松問曰：如何是白雲不倚青山住？通遽荅曰：明月常懸古澗心。萬松許可，遂下雙徑，抵杭之碁槃山，師子峰，宴坐經行三年，而心珠愈淨。遂杖錫雲征，伏牛五臺，遍叩法席，復至少林，入室叅訣，悉領玄微。頃還故山，會受冢宰張公瀚之請，出脩高麗，仍請脩復。

靈隱靈芝。以至秀之東塔。蘇之虎丘。凡啟舊基。卽得泐碑。皆有易庵二字。衆駭異曰。此再來人也。通所至。但揮塵說法。而四衆雲集。檀波捆至。彈指之頃。瓦礫荆蓁。幻成金碧。宛若天宮。降於塵世。六十初度時。居東塔。四方緇素。遠來設齋稱慶者。數十百人。弟子輩懇求法語。通笑曰。出胎又入台。翻覆翫靈臺。但除凡聖解。個中無去來。不逾年。而受台州國清之請。上梁次。通忽翹首西顧。而逝。始知出胎入台之語。通蓋先識也。閱世六十三僧臘。四十一。靈骨塔于國清寺左。

如清

如清字法源。姓阮氏。上虞人。初投龍井寺出家。未幾入雲棲。從蓮池大師受具。曰。吾不歸矣。吾脩學於斯。老於斯。死而火於斯。足矣。銳志念佛。誦法華。六時禮拜。汲汲如不逮。雖入城市中。終不缺廢。高聲懇苦。懈怠比丘。不遑安寢。因之策進者。徃徃而是。萬曆十一年。得疾。將入滅。蓮池天師爲集衆設像念佛。以助往生。清聞佛號。矍然起坐。中夜合掌。注視金容。奮迅翹仰而去。

廣如

廣如字本真，蕭山來氏子。二十九出家，雲棲聞蓮池師之亟贊，伏牛也。銳然向往，歸而受具，進菩薩戒，刻心矢志，潛自砥礪，敝衣破帽，形同土木。尊師如佛，敬友如賓，視己身如賤役，力作忘倦，性多昏沈，坐則頻睡，語復遲蹇，期期不可了。於時惡薄少年輩多藐之，如自若也。不爲動處衆中，未嘗戲言，臨問對未嘗不肅容。歷藜林歲久，未嘗以情識聯私交。居未嘗治房舍，夜未嘗戀牀榻。母年八旬來視，如病不能去。蓮池大師爲夾小室，寺傍俾終養之，密減膳飼母，而人莫知也。母卒殯半月而如疾作，度不救，召衆念佛，躬和之。旣而困憊，謂衆曰：趣爲我取衣貲來，吾欲質時果香花供吾師，吾不得復侍巾瓶矣。衆與辦竟，手自整理，進蓮池師，師爲受之，則欣然喜動顏色。從牀躍起，坐竹椅中，奄然欲絕。師往赴，聞師聲復從坐，躍起拱而立，張目諦視師，頃之安坐已，瞑然脫去，頭挺直，貌耿耿如生時。世壽纔三十有八耳。僧臘九年。

廣槐

廣槐字東林，浦江人，姓陳氏。少從事戎行，已而剃落清

水庵慕雲棲。發大誓入山脩道。既受具。受菩薩戒。信力堅勁。質直無偽。持金剛般若甚虔。中夜諷詠。雖隆寒溽暑。不廢語。及生死必厲聲切齒。憤然若不勝。其慚愧聞者爲之寒心。居家時有子三人。仲得羸疾。槐往視。知不可起。勸令擇良偶。安置其妻子。忻然從之。輿疾來山中。使皈命三寶。植當來因。甫畢而卒。又明日槐卒。又明日將茶毘。而槐之季子不期而至。人以爲慈孝所感。先是槐得疾。日且彌甚。訊之無他語。惟諄諄以及時念佛爲囑。散衣鉢盡。以飯衆僧。無遺餘。歛容而逝。世壽六十。僧

臘一有二弟子一人曰大海

廣承

廣承錢塘潘氏子。少穎悟。師圓鑪。勤三七懺。精相宗。蓮池大師命代講於天台。賢首教。摸象知形。無師自會。晝夜聽衆圍繞。戒鎧甚堅。後覩佛面西而逝。

詩僧附

唐

靈一

靈一姓吳氏廣陵人咳唾塵境繼日經行宴坐必擇山椒樹下初舍於會稽懸溜寺接禪者隱空乾靖討論第一義諦尋住餘杭宜豐寺寺隣生丹山門對佳境罔然獨往暴風偃山正智不動巨浪沃日浮囊不飄於是著法性論以究真諦此一之了語也每禪誦之際輒賦篇章思入風雲興合飛動與天台道士潘志清襄陽朱放

南陽張繼安定皇甫曾范陽張南史吳郡陸迅東海徐
凝景陵陸鴻漸爲塵外之友詩行於世有選其尤者入
間氣集

皎然

皎然明晝姓謝氏長城人康樂侯十世孫也幼負異才
性與道合初脫羈絆漸加削染登年受具深入毘尼三
昧博訪名山法席罕不登聽兼攻子史詩文儁麗當時
號爲釋門偉器與虎丘元浩會稽靈徹爲道交貞元初
居於東溪草堂嘗悔詩文非禪者之意曰借使有宣尼
之博識胥臣之多聞終日目前矜道侈義適足以擾我
真性豈若孤松片雲禪座相對無言而道合至靜而性
同哉吾將入杼峰與松雲爲偶所著詩式及諸文筆併
寢而不紀因顧筆硯曰我疲爾後爾困我愚數十年間
了無所得我將放汝各歸本性貞元初終於山寺有集
十卷于頔爲之序尋勅寫其文集入于秘閣天下榮之
晝生平與韋應物盧幼平顏真卿陸鴻漸吳季德李萼
皇甫曾梁肅崔子問薛逢呂渭楊逵或簪組或布衣與
之交結必高吟樂道故著儒釋交游傳及內典類聚共

四十卷號呶子十卷時貴流布元和四年太守范傳正會稽釋靈徹同過舊院就影堂傷悼彌久遺題曰道安已返無何鄉慧遠來過舊草堂余亦當時及門者共吟佳句一焚香其遺德爲後賢所慕如此

靈徹

靈徹不知何許人住越溪雲門寺少工筆札文譽遠蜚故秘書郎嚴維劉隨州長卿前殿中侍御史皇甫曾觀面論心皆如繆固分聲唱和名散四陬徹游吳興與村山畫公一見爲林下之遊互相擊節畫與書包侷中丞感標棟其警句最佳者歸湘南作如山邊水邊待月明暫向人間借路行如今還向山邊去唯有湖水無行路畫云老僧見此欲焚筆研後不測所終

道標

道標富陽人姓秦氏七歲時神清氣茂不雜凡童忽有異僧手摩其頂曰此孺子目秀如青蓮花得非我釋氏之威鳳乎若捨家必有善稱不然乘雲霓蕩天漢吾不可得而知也遂出家靈隱山得度隸於天竺護戒嚴謹爲時所推毘奈多羅之言罔不該貫經行之外尤練詩

章辭體古健比之潘劉當時吳興有清畫會稽有靈徹
相與酬唱遞作笙簧故人諺云雪之畫能清秀越之徹
洞冰雪杭之標摩雲霄每飛章寓韻竹夕花時彼三上
人當四面之敵一時名卿韻士無不驅轂投簪定交林
下長慶三年以微疾示滅

宗亮

貫霜棲悟不吟附

宗亮姓馮氏奉化人家傍月山而居時稱月僧住明州
國寧寺禪寂之暇游於藝苑處士方干贈詩云秋水一
泓常見底澗松千尺不生枝空門學佛知多少剃盡心
花只有師亮恒與沙門貫霜棲悟不吟數十人皆素執
清竒迭爲文會結林下之交撰嶽林寺碑詩集讚頌並
行於代又爲江東生羅隱所慕而樂安孫郃尤加肯重
著四明郡才名志序諸儒駿士外獨云釋宗亮多爲文
士先達所做仰云

高閑

高閑吳興之烏程人髫年受具苦脩不惰禪坐之暇兼
工文筆尤妙臨池喜以雲川白紵書真草之蹤與人爲
法論者以智果得右軍之骨智永得右軍之肉閑獨骨

肉調勻合二家之美。當時以爲一絕。後入長安薦福寺。隸習經律。克精講貫。會宣宗重興佛法。召入對御草書。遂賜紫衣。號爲大德。閑性情節操。矗然難屈。老思歸里。韓昌黎爲序以送之。昌黎以排佛被譴。而獨有當於閑。其爲人可知矣。弟子鑒宗亦得閑之筆法。亦如二智之相踵也。

五代

希覺

希覺字順之。姓商氏。毘陵人。出家溫之開元寺。稟教于

慧則律師。嘗閱則所著集要記。解南山鈔。不稱所懷。遂著記廣之。曰增暉錄。蓋取曹植云。螢火末光。增暉日月。謙言增暉。要之日月也。後則長往。乃開講。永嘉次居杭之大錢寺。文穆王造千佛伽藍。召爲僧主。借紫私署曰文光大師。覺旣工文筆。尤精易理。著會釋記二十卷。解易至上下繫。及末文甚備。擬江東讒書五卷。雜詩賦十五卷。雜體詩四十章。所居號曰釋氏西齋。蓋慕吳兢之蘊積編簡云。

無作

無作字不用姓司馬氏姑蘇人出家流水寺登年受具精研經論兼究孔老書篇無不咀其華腴小有點綴卽追作者後游會稽四明樂其山水遂有終焉之志錢武肅王高其道風禮請出山略至遽稱疾去以詩抒意云雲靈性孤单爭堪名利關銜恩雖入國辭病却還山樂安孫郃退居嘯傲不交緇伍惟與作接清談竟日進士楊弇亦慕爲林下之遊作善草隸筆跡適健人亦倣之述諸色禮懺文數十本注道安六時禮佛文一卷并詩歌若干首並行於代作不入尼寺不入公門不脩名刺不趨時利自號逍遙子

貫休

曇域附

貫休字德隱俗姓姜氏蘭谿登高人也出家利安寺爲童侍日誦法華經一千字耳所聽聞不忘於心尋與處默同時削染隣院而居每隔籬論詩互吟尋偶對受具之後詩名聳動乾寧初授詩謁錢武肅王有滿堂花醉三千客一劍霜寒十四州之句武肅欲改十四州爲四十休日州不可添詩亦不可改遂拂衣入蜀僞署禪月大師時韋諷舉其美號所長者歌吟諷刺隱微存於教

化體調不下。二李白賀也。梁乾化二年，終於所居。世壽八十一。蜀主恻怛，一皆官葬。塔號白蓮。休善草聖，小筆得六法，尤長於水墨。形似之狀，喜畫羅漢。每畫一尊，必祈夢得應，真貌然後成之。法相奇古，與常體不同。今畫家尤傳貫休羅漢也。文集若干卷，弟子曇域序而刻之。域戒學精微篆文，雄健重集。許慎說文見行於蜀，有詩集亞師之體。

晉光 從環智宗附

晉光字登封，姓吳氏，永嘉人。唐史官左庶子，兢之裔孫也。

幼捨家於陶山寺剃度，居必介然，不與恒人交雜。好自標，遇慢易，緇流多作古調詩，苦僻寡味，得句時有矜色。長於草隸，受五指撥鐙訣於陸希聲。書體日適，轉腕迴筆，非尋常所知。昭宗嘗召入對御草書，賜紫方袍，却歸故鄉。謁錢武肅王，以客禮延之。而性傲體踈，弗愜王情，乃歸甬東終焉。有文集，知音者所貴。出筆法，弟子從環、温州僧正智宗皆得其墨訣，有聲於時。

宋

居簡

三空外

居簡字敬叟蜀之灌川人姓王氏以其居淨慈北礪之
日久故時人不名字之咸稱北礪云禪定之餘博通外
典工詩賦嘗頌世尊初生話云一聲哇地便吒哩突出
如斯大闢提此土西天起殃害堂堂洗土不成泥嘗闢
一室以居名曰齷室作賦以自見其畧曰進則面墻退
則坐井柱忽不支壁忽就頽豁然而虛漠然而罔如蒙
之擊如震而警又曰如無盡藏如大圓鏡前山送青若
壯士之排闥後山回闔擬良工之御駿撫鴻鵠而晚眺
入冥冥而遠引笑雲烟之輕去漫悠悠而無定駐落日
於西崦延初蟾於東嶺是皆中所得也有北礪集十九
卷行世盱江張城子序之曰讀其文宗密未知其伯仲
讀其詩合參寥覺範爲一人不能當也北礪於人不苟
合合亦不苟睽去就之際潔如也龍泉葉水心酬以詩
曰簡公詩語特驚人六反掀騰不動身說與東家小兒
女塗青染綠未禁春初簡居天台委洞有二姓爭竹山
竭產不肯已仙居丞王暉來囑簡諷之乃作種竹賦一
首示二姓而訟遂止

仲休

仲休越州人精習天台止觀而禪寂不接人事每以席上自珍篇詠所傳人爭膾炙李文靖公重其人每疏名以請遂得賜紫衣號曰海慧禪師其詩之最傳者有山陰天衣十峰詠

仲皎

仲皎字如晦居剡之明心寺究心禪學尤好篇章交文儒每把臂入林笑詠終日嘗於寺西星子峰前築白塔結茆其下號間間庵宣和間與汝陰王鍾以詩詞相酬答評者以其韻致不減皎然

智圓

智圓字無外錢塘人姓徐氏八歲出家傳天台三教於奉光源清師嘗歎荆溪沒後微言墜地留意撰述作十疏通經圓蚤勤儒學兼涉老莊自號中庸子居孤山瑪瑙院有高世之節時王文穆罷相牧郡僧悉迎於關外慈雲邀圓偕往圓以疾辭笑謂使者曰爲我致意慈雲錢塘且駐却一僧聞者歎服圓少抱羸疾多杜門獨居惟與處士林逋爲隣友相好以詩文自娛雜著五十一卷題曰閒居編乾興元年二月十七日自作祭文挽辭

越二日示疾。門人奉遺訓。斲院之後山。斂陶器。合而瘞之。

道潛

道潛於潛人。通內外典。能文章。尤喜為詩。蘇東坡守杭日。卜智果精舍居之。又為作參寥泉銘。穎濱稱其詩無一點蔬筍氣。體絕以儲光義。非近世詩僧所及。

惠勤

惠勤餘杭人。嘗從歐陽永叔遊三十餘年。永叔稱其人聰明才智。有學問。尤長於詩。蘇東坡有贈錢塘勤上人。

詩序

守璋

守璋姓王氏。鹽官人。天資介特。凜不可犯。七歲以試經度為僧。戒行精潔。尤工於詩。號文慧禪師。有柿園集。行於世。紹興二年。高宗幸圓覺寺。因覩其集。親灑宸翰書其晚春一絕云。草深烟景重。林茂夕陽微。不雨花猶落。無風絮自飛。

元

居昱

外

光碧堂

居昱錢塘人。姓郭氏。七歲叩疑於林逋。書如夙誦。卯角
剃染。誦法華經七日而過。人稱昱法華稍長。博綜內外
典。尤長於詩。有松聲和雨聽。山色帶雲看之句。膾炙人
口。咸以爲有道標之風。

本覺

本覺龍泉人。博學能詩。文士大夫多與唱酬。嘗纂輯名
僧家諸書。成編年。由釋迦至達摩迄宋。凡三教通於佛
者。靡不載。題曰釋氏通鑑。

明

一覺

一覺字性原。姓曹氏。鄞之慈谿人。祝髮於永明寺。精脩
力踐。刺血寫華嚴經八十一卷。善吟咏。有寒泓稿。嘗與
太子正字桂彥良遊。一日彥良侍太祖文華殿。問在
鄉里時與誰遊。以僧覺對。因誦贈覺詩。太祖稱善。翌
日賜和御製詩。有草舍半間雲外月。松窻一榻谷中心。
之句。仍命監承徐瑛書賜之。俾藏山中。以爲勝事。

大訢

復見心附

大訢字笑隱。南昌人。住中竺。有學行。研窮教典。旁貫百

家所著有蒲室集元文宗召赴闕特賜三品文階其徒
來復見心者從訢於中竺亦能詩有名縉紳間洪武初
徵復入京訢公止之曰上苑亦無頻婆果且留殘命喫
酸梨復不聽後竟坐法論死臨刑而悔且道訢語上
命併逮訢將殺之訢曰此故偈臣偶舉之非有他也
上問出何經訢曰出大藏某錄某函某卷第幾葉命檢
視果然乃釋之復所著有蒲庵集

如筏

如筏字性海姓余慈谿人祝髮於定水寺禮復見心爲

師戒行端謹通內外典善書能詩文雅爲士林推重永
樂中兩膺召命纂脩內典嘗住撫州之翠雲及奉化岳
林寺有翠雲稿歸老永明

弘道

弘道蘇之吳江人幼讀書日記數千言見人誦法華經
歷耳便能成誦宿根所種慧解日生遂捨俗出家貝葉
與蒲編並涉目無不見之書淹貫既極鬱爲菁華下筆
作文新警弘深居然作者詩尤清麗無酸餽氣洪武十
年有詔箋註楞伽等經道與其選十五年主天竺講席

空空
卷之八
尋領郡都綱。明年遷僧錄司左善世。所著竺隱詩文若千卷。行於時。

守仁

守仁字一初。富陽人。讀儒書。富才藻。少從楊鐵崖遊。善詩歌書法。道勁骨肉。平分檀長。二智。洪武間。受僧錄右善世。所著有夢觀集。

德祥

德祥號止庵。仁和人。持戒律。書法擅名。一時有鐵畫銀鈎之妙。詩刻苦高處。逼買島。所著有桐嶼集。

園詮

園詮字象外。姓楊氏。慈谿人。初依永明寺爲僧。宿性穎敏。博綜東魯西竺之書。善吟咏。有月航集。膾炙人口。嘗作頂相讚曰。坐脫立亡。未爲奇特。吾佛世尊。卧而有側。山僧總不隨他。一旦西方日出。

心泰

心泰上虞孫氏子。幼受具等慈寺。博覽內外二典。工古文辭。下筆數千言。如春江初漲。滾滾東注。時稱爲釋門繡虎。出世東山國慶寺。尋遷雙徑。歸老等慈。年九十六。

無疾坐脫。所著有金湯編若干卷。

弘闡

弘闡字大猷。姓陳氏。慈谿人。出家於永明精舍。恪守戒律。卓有僧行。博覽古今。作詩清麗飄逸。不羣。有林下風致。書法結體精密。每臨摹魏晉。咄咄逼人。甚爲藝林推重。

法聚

法聚姓富氏。嘉禾人。髫年業儒。博通經籍。稍長。出家海鹽之資聖寺。戒行清苦。妙契密心。聞王陽明先生講道稽山。以詩謁之。陽明許可。遂獲聞良知之旨。至金陵參夢居禪師於碧峰。問如何不落人圈。續居與一掌。聚大悟。後開講天池。隨機接引。與王公畿。蔡公汝楠。唐公樞。鍾公梁。錢公琦。董公澐父子。共證儒釋大同之旨。山陰徐文長。渭有才名。不可一世。獨與聚往來於鏡湖之濱。時時以詩筒唱酬。渭嘗令聚代濟法師。荅白居易。未了佛法書。又令作首楞嚴。昧晦爲空。一章解。合千有餘言。據案落筆。應手疾書。與旨精辭。一時俱徹。文長爲之歛衽。所著有玉芝集。

斯學

斯學姓丁氏，字悅支，海鹽人。元詩人。崔年之後，生而任心獨往，風期高亮，家世奉法，遂釋形入道。諷明之隙，喜爲韻語。中歲棄去，振錫孤遊，東探禹穴，北走燕都，吐語益奇崛。詩名益籍籍公卿間，尋復棄去，歸舊隱，創精舍，題之曰道林。海名諸名流，如沈句章、明臣、王百谷、穉登、黃白仲之輩，無不締交悅支。每一過道林，輒流連忘返。卒年四十有五，所著有曇華稿、錢懋穀齋叙而刻之，行於世。



金